

華嚴經隨疏演義鈔

七十六之
八十

毒物

C40
4514
219



80

90

1

2

3

4

5

6

7

8

9

100

1

2

3

4

5

6

7

8

9

100

1

2

3

4

5

6

7

8

9

支那
撰述

華嚴經隨疏演義鈔

七十六之



80

1

2

3

4

5

6

7

8

9

90

1

2

3

4

5

6

7

8

9

100

1

2

3

C40-4641

丁翁之座請三歲又有
家書置之武州紫雲山
我微苦不堪院中水
為學者不敢許出院內
當山二世鐵牛機謹誌



B 64853

大方廣佛華嚴經隨疏演義鈔卷第七十六

唐清涼山大華嚴寺沙門

澄觀述

第七如響忍疏文可見叡公讚云聲以響酬相和如
一緣扣而應誰辨虛實業雖虛妄罪福不失若映斯
照朗如皎日又爲讚曰響無所在緣會發聲不知自
我喜怒交爭妄和真心事像萬形莫知其本終日營
營第八如影忍疏性則非修相乃不捨者釋成雙照
之義如前文云非是世間義當出世下句云非出世
間卽拂上出世世與出世俱拂故曰雙遮今文若云
非修菩薩行則由通雙遮旣云非捨於大願明是雙

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

照謂非修菩薩行卽爲照實非捨於大願卽是照權故得雙照之名耳次明非實非不實例然雙照真俗耳疏遮照一時爲雙運等者若約權實俱行爲雙運者則第二段已是雙運竟今遮照爲雙運則此中方有卽合前二門爲此第三門矣既言遮照一時則全遮爲照全照爲遮則二門峙立以照奪遮遮亡以遮奪照照寂則爲遮照兩亡矣言無礙者自有二意一遮不礙照照不礙遮二者雙存不礙雙奪雙奪不礙雙存故云無礙如此方稱自在故下結云以此結上二段同斯無礙故曰深玄疏今初若約影喻別喻菩薩現身等者疏文有一先揀所喻通局後其河泉二種下揀能喻通局言雖通能現者以河泉之中見日月故故爲能現言且爲所現者以下經云於油於水下方明能現故今河泉以爲所現長河飛泉入鏡中故者出是所現之相登樓持鏡則黃河一帶盡入鏡中瀑布千丈現於徑尺王右丞云隔牕雲霧生衣上卷幔山泉入鏡中明是所現矣疏二能現中亦有通別等者疏文有二先通辨文旨後別開喻旨今初言別喻機感及應現處者日月旣喻菩薩則水等喻機亦喻菩薩應處如影落百川喻菩薩身充徧法界百

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

川江河喻機及所現國土之處也。疏然此文具攝論三喻下第二別開喻旨此二句總標下成三義卽分三別疏一以油水對上日月爲水月喻者則日月喻菩薩悲智水喻機心水中之月喻定地境界謂定中見佛等亦喻徧處定境青黃赤白等故出現偈云譬如淨月在虛空能蔽衆星示盈缺一切水中皆現影諸有觀瞻悉對前如來淨月亦復然能蔽餘乘示修短普現人天淨心水一切皆謂對其前敵公云水月不真唯有虛影人亦如是終莫之領爲之驅驅背此真淨若能悟之超然獨醒疏二以於身對上日月爲

光影者日月喻爲菩薩悲智身喻物機日照發影以喻現身等而言映日等者等取經上月字及燈燭故疏弄影多端故喻於諸識者上約別喻菩薩現身此約通喻一切諸識動身俯仰卽是弄影形端影正形曲影斜故云多端以況八識依身有異亦喻七識依第八識對境差別上皆攝論意叡公云光不照處謂之爲影不照慧明生死長永捨遠夷途而行榛梗若能悟之狂滅自醒疏三以寶鏡等對上男子等者釋第三喻疏文有二先正屬配經文後對喻辨異今初疏從通說云喻非定地果報此攝論意對前水月等

定境故云非定地則鏡喻於因故云謂無明等本質
喻緣影喻果報故淨名云是身如影從業緣現又鏡
喻本識如來藏性本質喻無明業等像喻果報如問
明品若將鏡像別喻現菩薩身則鏡等喻菩薩本質
喻機像喻菩薩所現之身疏以鏡中影像離於本質
等者第二對喻辨異明此鏡像得果報名果與因別
故若影在身外前映質下辨前異此日月在天影光
在身身卽喻因則所現法得與因俱疏故喻諸識雖
託境生異自在我非在於境合上雖隨日等影乃隨
身此就通喻諸識以說若將光影喻菩薩現身則影

隨身異不在日光則身由生異不在菩薩智日令異
敵公云形不入鏡光照而有世亦如是業影而受不知此者長嬰其咎若能悟之還神氣母疏於中一異
合離通顯影義者此據經中諸對通局此通三影故
云通顯次於川流下唯明水月之影疏然一異約此
影彼影者自據二對義旨不同顯無重言之失言此
影彼影者江中之月若與水一不可在河若與水異
江河不同應有兩月言合離約影對水等者水影若
合水流月亦應流水影若離去水應有影在又合離
者合意亦二如二掌合一異不爾一則無雙如水成

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

方廣傳華嚴經疏解淨善錄卷之二

四

州十六

水影與水異則月可出水影與水一則有水卽月亦不可移合離之義不異前釋疏不通二影者唯水月故非通鏡像及於映質以文但云川流池井故言月映淮流者故文選云月映清流疏兼於鏡像者以文云雖現其中故通鏡像亦不通映質映質之影無現中故若取日照身影入於水中則亦通之然是水影中攝疏不知此影無遠近故者卽釋經中影不隨物而有遠近如執鏡臨池池中月出而此影不近天上之月去地四萬二千由旬影落潭中而亦不遠以喻菩薩遠在他方恒住此故雖在此處常在彼故安有

遠近之異相耶一切遠近皆類此知第九如化忍疏仁王云法本自無因緣生諸者證上不實相現二義然有二義一因緣生之卽是相現由緣生故有來卽無云法本自無卽無實義二者兩句共成一義謂自者從來也從無之有曰生非本先有故云法本自無遇緣卽起故云因緣生諸斯卽但用因緣生諸卽成二義謂因緣生故相有緣生無性故無實正順無而忽有名化故引此文此文卽第二卷護國品第五普明王爲于王說偈此後更有偈云盛者必衰實者皆虛衆生蠢蠢都如幻居聲響俱空國土亦如等總有

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

八偈及事緣金如彼經也疏淨化二義倣此可知者
卽不實相現之二義也疏慈悲復依方便立者卽下
出現品文故彼偈云譬如樹林依地有地依於水得
不壞水輪依風風依空而其虛空無所依一切佛法
依慈悲慈悲復依方便立方便依智智依慧無礙慧
身無所依彼說五重相依今此但要慈悲依方便方
便卽後得智慧悲以後得智爲體後得智中與樂拔
苦故疏謂無有亦無故者經有二句云非有非無有
今偏釋非無有句謂非有卽是無有今亦遣彼無有
故云非有非無有故云無有亦無上句易故不釋歟

公云衆生如化非有非真不達此者轉如車輪解法
清淨無我無人衆垢消除如日無雲第十如空忍疏
標云如空如空所喻通一切法等者此下疏文有四
一顯所喻通局二明喻相不同三引論會釋四結成
大意初中上是本經之意通喻一切二佛地論喻清
淨下引論明通局疏然其喻相下第二明喻相不同
諸喻若約能喻下通辨七喻所破差別三又前六遣
有下三重將空喻對六明空有不同義成諸喻共喻
於空空喻却成於有四又上所喻卽通一切下通辨

8012345678990123456789100123456789

七喻能所通局言此中能喻則具多義者謂如一空有無相義有無起義一味義等言所喻各隨別義喻一類法者謂無相但喻事法界無起但喻世界一味但喻教法等故疏然龍樹下第三引經論會釋於中引一論二經一智論四義略如文具二佛地十義三八地十義此之二經文皆十義意各不同佛地十義唯喻如來清淨法界八地十義知虛空身十相不同謂一無量相二周徧相三無形相四無異相五無邊相六顯現色身相文唯有六例合有十耳但語於空又不別喻於法佛地十義今當具引卽第三論去至

第四論方終第一義者經云妙生當知清淨法界譬如虛空雖遍諸色種種相中而不可說有種種相體唯一味如是如來清淨法界雖復遍至種種相類所知境界而不可說有種種相體唯一味二云又如虛空雖遍諸色不相捨離而不爲色過所染汚如是如來清淨法界雖遍一切衆生心性由真實故不相捨離而不爲彼過所染汚三云又如虛空含容一切身語意業而此虛空無有起作如是如來含容一切智所變化利衆生事清淨法界無有起作當第四卷初故云又如虛空中種種色相現生現滅而此虛空無

生無滅如是云云諸智變化利衆生事現生現滅而淨法界無生無滅五云又如虛空種種色相現增現減而此虛空無增無減如是云云顯示如來甘露聖教有增有減而淨法界無增無減六云又如虛空十方色相無邊無盡是虛空界無邊無盡故而此虛空無去無來無動無轉如是云云建立十方一切衆生利益安樂種種作用無邊無盡清淨法界無邊無盡故而淨法界無去無來無動無轉七云又如虛空三千世界現成現壞而虛空界無壞無成如是云云現無量相成等正覺或復示現入大涅槃而淨法界非

成等正覺非入寂滅八云又如依空種種色相壞爛燒燬變異可得而虛空界非彼所變亦無勞蔽如是依止如來淨法界衆生界內種種學處身語意業毀犯可得而淨法界非彼變異亦無勞蔽九云又如依空大地大山光明水火帝釋眷屬乃至日月種種可得而虛空界非彼諸相如是依止如來淨法界戒蘊定蘊慧蘊解脫解脫知見諸蘊可得而淨法界非彼諸相十云又如空中種種因緣展轉生起三千大千無量世界周輪可得而虛空界無所起作如是如來清淨法界具無量相諸佛衆會周輪可得而清淨界無所

撰述

妙法蓮華經疏卷第十一

卷

州

起作釋曰上之十義具出經文如是字下皆有如來清淨法界之言餘金依經而論皆廣釋大意相似故疏不引論亦不具列經文言大意相似者通與一切法非卽離義耳上正辨五法之中一真法界故以虛空十義爲喻若略取別相者一者體唯一味二性淨無染三無起作四無生滅五無增減六無去來動轉七無成壞八無變易勞倦九非諸相十無所起作觀其經文十與二同而三是含容無起作十是生起無起作二合云無能所若觀論結十應言無分別王應云無作意今略引論釋釋第一云次當顯示淨法界

相釋難決擇法界差別謂有難言若諸如來法界爲性法界則用真如爲體真如卽是諸法共相諸法旣有種種差別法界隨彼云何無有種種差別法界若有種種差別云何清淨非頗牴迦種種依止共相應故無種種相爲釋此難故說最初太虛空喻意云雖遍種種不隨成形不捨自性故唯一味下取意引論二有難云法界遍在一切則與貪等而共相應云何不如有漏心法成不清淨故今通云性清淨故非彼體故不爲所染三有難云如來清淨法界真如爲體則無戲論亦無起作云何得有利有情事故今通云

801 1 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8 9

由先願力爲增上緣與諸衆生作利樂事任運而住無有分別而無戲論四有難云若淨法界遍在一切不相捨離一向隨轉是則法界應有生滅故今通云雖遍一切世俗施設則有生滅真勝義體不生不滅五有難言若淨法界遍在一切不相捨離如來聖教現有增減法界亦應增減故通云然一切世俗理說有增減非真法界而有增減六有難云若諸如來法界爲體如來施與有情利樂或去或來法界應有來去故今通云就受用身說有去來非法界體而去來七有難云若無去來云何得有成等正覺故今

通云成者約世俗勝義無成壞八有難云若法界遍一切有情之類云何有情得有毀犯故今通云衆生有毀犯法界無變異九有難云若法界遍一切應無有戒等無漏蘊相故今通云有增上緣增長一切自無諸相十有難云若一切佛法界爲體應無受用云何得有衆會差別故今通云約別別因緣所得非如來身有戲論分別等以上十難對上經文居然易了疏然別義有此不同下第四結成大意然文有三初總明二故叡公下引證成於空義是同此但總結十喻之讚若別明空讚云空唯有名無用無色人亦如

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

是莫之能識妄造妄苦百艱孔棘馳空求空空竭其力亦顯空義耳後餘無礙義如前後說者三結成此經之大意也經疏前已有說如如幻忍等後亦有說如德齊空中說前後遠文文更多矣疏世界共業所起者出現品當說疏四卽反此者謂無性故有緣生故空金如問明品若對經文應言從緣有故爲世界依無性空故而無所依四句但出空義所以差別耳疏無法出空下別釋譬如虛空一切世間皆現其前非現一切世間之前疏一味解脫不殊故者涅槃云一切同一甘露一解脫味淨名云解脫味爲漿故餘

文及頌文金可知十忍品竟

阿僧祇品第三十疏初來意有二等者一通以後三品對前三品二別則此品對十忍品自有三意一答第二會初二爲遠答下答第一會中十海三又通下顯一部之數初中復有二意一直辨菩薩又二難思下明菩薩知佛德下科偈文亦具此二意疏全帶數名者無數乃是一百二十四數之一故疏人法雙舉者若人法不同卽是相違下言及菩薩所問之筭數卽是依主疏然僧下通妨妨云僧祇非初又非是後何以偏標通意可知疏四釋文下此先總科有二

卷之三

卷之三

十一

卷之三

一直就法科後然此三品下約人料揀疏表數不離者此釋心字數與非數下釋王字王以自在爲義故又顯此數下雙明心王二字心者統攝諸法一切最勝故王者統御四海爲最勝故從所以偏問下料揀所問言轉者謂阿僧祇阿僧祇爲一阿僧祇轉等疏始從一二終至正載者從一至十爲十次有十三數謂十十爲百十百爲千十萬億兆京垓壤溝澗正載言載者天地不能容載疏小乘六十已至無數者卽俱舍論說六十向後更無數也卽第十二論引解脫經說六十數中阿僧企耶是第五十二數彼文具

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

可說是所積之一數謂一箇不可說不可說兩箇不可說不可說乃至不可說不可說箇不可說不可說不可說故有四箇今以此又字替却兩箇不可說字豈非妙耶所以舉此者以刊定記破經此又字爲長故疏果德深廣因能趣入者趣入約證請前善窮約解了又所舉德一約無礙二約深廣則二不同然趣入善窮應通無礙深廣蓋影略耳疏稱法性之一毛等者此中文亦影略若具諸刹毛孔皆有稱性及不壞相義今毛上取稱性義故如法性之無外刹上取不壞相義故不遍稱性之毛而著悟者之言更有一意亦文

影略謂毛安悟者則顯刹因迷有迷則有分悟則無邊前義直就法論後義約人取法思之可見疏内外緣起非卽離故者亦有二義一約內外共爲緣起由不卽故有能所入由不離故得相入二約內外緣起與真法性不卽不離此復二義一由內外不卽法性故有能所入不離法性故毛能包刹能遍入二者毛約不離法性如理而包刹約不卽法性不遍毛孔思之成觀然十段之中一段舉數卽一段不舉不舉欲略舉恐失次耳疏且從相顯下結釋顯深

壽量品第三十一疏來意中二先立理二正顯前中

8012345678990123456789100123456789

正顯十身壽量且寄三身明之謂真身無脩短應身示有脩短前中玄謂玄理鑑謂鑑照理智冥契以爲真身玄故則虛凝鑑故則朗徹出乎數不可語其壽命短長出乎域不可言其形量所在又出乎數不可說其一身多身出乎域不可同其人天之壽若開上能所證別則三身義具然應物下辨其應化故經云佛以法爲身清淨如虛空所現衆色形令人此法中又云如來真身本無二應物隨機遍十方等疏故上品下第二正顯來意於中二一近廣前品兼菩薩壽二亦爲下遠答初會唯如來壽疏二釋名等者亦依

真應以立其名然諸經論說三身壽量化則有始有終長短萬品報則有始無終一得永常法身無始無終凝然不變故法華中以伽耶生雙林滅化身也我本行菩薩道時所成壽命報身也常住不滅法身也此經宗意三身既融三壽無礙卽長能短卽短恒長無長無短長短存焉一一圓融言思斯絕疏已鄰刹海平等者猶有數限故致鄰刹利海平等無數量故諸菩薩住處品第三十二疏來意中三一廣僧祇二亦遠答下酬其初會三昔將此品下叙異說義如第二會說疏山海包藏下釋山海意此句約事山藏海

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

納言仁智棲止者寄外典說夫子云仁者樂山智者樂水意云仁者好山如山之安固不動智者好水如水之德清鑑洗滌流止從緣故非要仁卽住山智卽近水也從表大智下正約所表唯一大智雙合上二高如山深如海止卽是山照卽是海疏應是雪北香山者凡有應是之言卽是帶疑事難融會不可勇知固當多聞闕疑矣言雪北者俱舍論說雪北香南有阿耨達池故知雪山在香之南至疏五清涼山疏文分六一略釋經文二彰其所表三定其方所四顯其靈聖五徵其源由六勸物修敬今初然略有二名

言代州五臺卽五臺縣及繁峙兩縣之界徃者非一可略言也疏表我大聖下第二彰其所表多出金剛頂瑜伽亦有以理推析言大聖者卽文殊也不指其名直言大聖今山中稱念但云大聖菩薩卽舉總稱別指吉祥耳言五智者若準佛地經論五法攝大覺性謂四智菩提一真法界依金剛頂卽一真法界名清淨法界智故成五智二五眼可知三言五部者一佛部二金剛部三寶部四蓮華部五羯磨部一切諸天真言皆屬寶部諸鬼神真言屬羯磨部四五陰者卽我五陰表是五臺中有大覺卽不動智佛妙慧自

廣德記

五經傳序

卷二十一

州

在卽是文殊五言首戴五佛之冠者諸大菩薩多有此冠而大聖不論戴冠六復常有五髻然諸五義類例大同謂當中髻卽中臺表之毗盧遮那佛居是佛部主法界清淨智亦佛眼也其東一髻即是東臺是阿閦佛居爲金剛部主是大圓鏡智即是慧眼其南一髻即是南臺寶生如來所居是寶部主是平等性智即是天眼其西一髻即是西臺阿彌陀如來所居是蓮華部主卽妙觀察智即是法眼其北一髻即是北臺不空成就如來所居是羯磨部主是成所作智即是肉眼七若配五乘中卽佛乘東菩薩乘南緣覺

乘西聲聞乘北是人天乘若人天乘別北卽人乘合佛菩薩餘如次第八若清五濁但取五不同不必如次若配五陰中卽識陰東爲行陰南爲想陰西爲受陰北爲色陰例爲其次識爲主故然五如來皆有種子一一觀行各各不同學密教者方知其要今但略屬而已疏然但云東北下第三定其方所以經不指國名但云東北故引經定所以此經不指者以在八方之例餘之七方皆不指國名在下文故今恐淺識者惑故引經證此經亦名八字陀羅尼經廣說文殊之德跡引猶略今更引之謂彼經金剛密跡主菩薩

問如來云文殊師利於何處方面住復何方面能行利益如來答云我滅度後已下疏文全引下有偈云文殊大菩薩不捨大悲願變身爲童真或冠或露體或處小兒叢遊戲邑聚落或作貧窮人衰形爲老狀亦現饑寒苦巡行坊市廝求乞衣財寶令人發一施與滿一切願使令發信心信心旣發已爲說六度法領萬諸菩薩居於五頂山放億衆光明人天咸悉覩罪垢皆消滅或得聞持法一切陀羅尼秘密深藏門修行證實法究竟佛果願具空三昧門習盡泥洹路文殊大願力與佛同境界下更廣讚其德不能繁叙

要當尋經疏其山靈跡下第四顯其聖靈於中二初
略指諸文後自述所覩前中本傳甚廣略有六門一
立名標化二封域里數三臺頂塔廟四諸寺廟宇五
古今靈應六聞名禮敬功德然今文中皆已略有今
初二句通指諸門地里誌云其山層盤秀峙路徑紆
深靈岳神溪非薄俗所居悉是棲神禪寂之士冥搜
造微之儔矣疏余幼尋下二自述見聞於中有二先
叙至山源由由此菩薩住處清涼山之文當時逆寇
亂常兵戈蜂起豺狼滿路山川阻絕不憚而遊故云
委命棲託途雖五千反覆萬里始本暫遊日復一日

8012345678990123456789100123456789

傾馳聖境一十五年作疏至斯正當十載疏其感應
下正叙見聞從其山勢寺宇下略指佳境其山在長
安東北一千六百里離代州之東南百餘里磅礴數
州七百餘里左鄰恒岳秀出千峰右接孟津長流一
帶北臨絕塞過萬里之煙塵南擁汾陽爲大國之艮
背廻泊日月蓄洩雲龍雖積雪夏凝而名花萬品寒
風勁烈而瑞草千般丹嶂橫開翠屏疊起排雲撥霧
時逢物外之峰捫蘿履危每到非常之境白雲凝布
奪萬里之澄江杲日將昇見三尺之大海五峰一一
難具言也言寺宇者北齊崇敬置立伽藍故壤二百

餘所當時棲託寺有八焉貞元已來數早過十或五
峰抱出或雙嶺中開或疊起巖中或聳居雲外不可
具言也蹟自大師晦迹下第五徵其源由兼彰聖迹
初對正叙本源大集經中佛將涅槃委諸菩薩分衛
大千此土多有毒龍爲害人多愛樂大乘故妙吉祥
菩薩處斯以行化故云妙德揚輝於東夏文殊般泥
洹經云若但聞名者除十二億劫生死之罪若禮拜
者恒生佛家若稱名字一日七日文殊必降若有宿
障夢中得見得見形像斯人位階聖果應化廣大故
曰揚輝次對成上兩句初成上大師晦迹兼通妨難

換述

卷之三

十一

州

謂有問言常在靈鷲山及餘諸住處何言晦迹故今答云二聖之本本皆湛然二聖之迹迹有隱顯今靈鷲山盡是荒榛所翳雞山卽是雞足亦鷲嶺所管應現下成上揚輝於東夏山似靈鷲故言鷲嶺得名次下當說疏神僧顯彰於靈境等者感通傳云宇文後周時文殊化爲梵僧來遊此土云欲禮拜迦葉佛說法處并往文殊師利所住之處名清涼山唐初長安師子國僧九十九夏三果人也聞斯聖迹跣行至此禮清涼山皆神僧顯彰也言宣公上稟於諸天者南山感通傳云時有天人姓陸名玄暢來詣云弟子周

穆王時生天余乃問曰宇內所疑自昔相傳文殊在清涼山領五百仙人說法經中說文殊久住娑婆世界娑婆則大千之總號如何偏在此方天人答曰文殊是諸佛先師隨緣利見應變不同大士大功非凡人境界不勞評薄但知多在清涼五臺之中往往有人見之不得不信故云上稟於諸天又今山南有清涼府五臺縣山比有五臺府亦可萬代之龜鏡故無惑矣疏漢明肇啓於崇基魏帝中孚於至化者按感通傳云今五臺山東南三十里現有大孚靈鷲寺兩堂舊跡猶存南有花園可二頃許四時發彩人莫究

之或云是漢明所立又云魏文所作互說不同如何
 天答曰俱是二帝所作周穆王時已有佛法此山靈
 異文殊所居周穆於中造寺供養及阿育王亦依置
 塔漢明之初摩騰天眼亦見有塔請帝王立寺山形
 似於靈鷲故號爲大孚靈鷲寺大孚者弘信也帝信
 佛理立寺勸人花園今在寺前後之君王或改爲大
 花園寺至則天大聖皇后與子闡三藏譯華嚴經見
 菩薩住清涼山因改爲大華嚴寺焉五頂攢擁中開
 山心禹坎乾坤得其中理千巖聳秀萬壑森沉拔鷲
 嶺之仙峰成華嚴之一葉信可謂衆靈翔集之沖府

叅賢觀聖之玄都矣所以前云鷲嶺得名於茲土疏
 北齊數州以傾俸者傳云北齊高帝篤崇大教置二
 百餘寺於茲山割八州租稅而供山衆衣藥之資至
 今猶有五道場莊疏有唐九帝之廻光者自我大唐
 至于今聖相繼九葉無不廻於聖鑑言今聖者當德
 宗帝傾仰靈山御劄天衣每光於五頂中使香藥不
 斷於歲時金閣岩堯於雲端猶疑聖化竹林森聳於
 巍畔宛似天來故得百辟歸崇九州持供雲委霧合
 市地盈山非我諸佛之祖師積萬行於曠劫慈雲彌
 漫而普覆智海點湛而包納廓法界爲疆域盡衆生

8012345678990123456789100123456789

爲願門矣孰能應感若茲宿善何濃遇斯遺迹情躍不已形于詠言

大方廣佛華嚴經隨疏演義鈔卷第七十六

音釋

峙丈里切
屹立貌企造爾
六切積也礴俱切
私列切散也礴白各切旁
紓邕俱切
榮紓也礴礴廣被也蓄蓄
龍山釋海瓊對淺教

吳江黃沙灘公堂賈糧刻此
大方廣佛華嚴經隨疏演義鈔卷第七十六
計字七千九百三十一箇
分六釐
崇禎四年孟秋月徑山化城寺識

大方廣佛華嚴經隨疏演義鈔卷第七十七

唐清涼山大華嚴寺沙門澄觀述

跋五天殉命以奔風下第六勸物修敬初二句引例
勸修五天竺國粗云二十萬里孰知其實數耶若以
陸行途經數百國雲山幾萬重或捫索憑虛或飛梯
架廻或風行雪卧或木食松棲或惡獸盈群或盜賊
相繼若以水行洪濤無岸雲島潛廻精怪搖風鯨鯢
鼓浪日月出沒於波底覩覩飄颻於夢中縱使浪息
風停只見水涵於天際舟行棹舉猶將息念作生涯
雖此難危而三藏名僧相繼而至總緣大聖委命輕

撰述

卷之三十一

三

州

生故云五天殉命以奔風言八表忘軀而競託者自東自西自南自北天徼月窟海潮日出有耳目者不憚艱辛遠而必至焉疏其有居神州下正勸卽反舉不往之失以彰往者之得謂葱嶺之東地方數千里曰赤縣神州卽有唐中華之國也去清涼之境途程不遙坦然通衢車馬溢路隨方觀化不失家常往必感徵如何不往是知不往卽是三億之徒故今秉鉞分茅方面之重無不傾仰西域諸王恨生五天不產東夏豈唯遙禮大聖每多仰羨此君故有遊西天者先問曾居五臺山不若不曾居棄而不顧今此國衆

生宿因多幸得誕中華諸佛祖師不解修敬故此勸之三億之徒者智論第十一云佛出世難值如優曇華時乃一有如是罪人輪轉三惡道或在人天中佛出世時天人不見如說舍衛城中有九億家三億家眼見佛三億家耳聞有佛而眼不見三億家不見不聞佛在舍衛國二十五年而此衆生不見不聞何況遠者故今中華有人曾到臺山卽亦聞亦見有聞清涼而不得到卽同聞名不見只近五臺亦有不聞不見之者況於遠乎故勸修敬若見文殊功德之廣如前略說廣在經文疏案西域記第七等者彼云吠舍

8012345678990123456789100123456789

撰述

大藏經卷之三

三

州北

釐國卽毗耶離梵音楚夏云城東南行十四五里至
大窣堵波是七百賢聖重結集處佛涅槃後百一十
年吠舍釐城有諸苾芻遠離佛法謬行戒律時長老
耶舍陀住憍薩羅國長老三菩伽住林菟羅國長老
釐波多住韓若國長老沙羅住吠舍黎國長老富闍
蘇彌羅住娑羅梨弗國諸大羅漢心得自在持三藏
得三明有大名稱衆所知識皆是尊者阿難弟子時
耶舍陀遣使告諸賢聖皆集吠舍釐城猶少一人未
滿七百是時富闍蘇彌羅以天眼見諸大賢聖集議
法事運神足至法會時三菩伽於大衆中右袒長跪

揚言曰衆無誼譁欽哉念哉昔大聖法王善權寂滅
歲月雖淹言教尚在吠舍釐城懈怠苾芻謬於戒律
有十事出違十力敎今諸賢者深明持犯俱是大德
阿難指誨念報佛恩重宜聖音時諸大衆莫不悲感
卽召集諸苾芻依毗奈耶訶責制止削除謬法宣明
聖敎七百賢聖結集南行八九十里至濕吠多補羅
僧伽藍層臺輪煥重閣翬飛僧衆清肅並學大乘其
側則有過去四佛座及經行遺迹之處其傍窣堵波
無憂王之所建也如來在昔南趣摩揭陀國北顧吠
舍釐城中途止息遺迹之處疏巴連弗邑等者西域

8012345678990123456789100123456789

記第八云摩竭陀國宛伽河南有故城周七十餘里荒蕪雖久基址尚存昔者人壽無量歲時號拘蘇摩補羅城唐言香花宮城王宮多花故以名焉建乎人壽數千歲更名波吒釐子城舊云巴連弗邑訛也初有婆羅門高才博學門人數千傳以受業與諸學徒相從遊觀有一書生徘徊悵望同儕謂曰夫何憂乎日盛色方剛羈遊履影歲月已積藝業無成顧此爲言憂心彌劇於是學徒戲言之曰今將爲子求娉婚親乃假立二人爲男父母二人爲女父母遂坐波吒釐樹謂女婿樹也採時果酌清流陳婚姻之緒請好

合之期時假女父攀花枝以授書生曰斯嘉偶也幸無辭焉書生之心欣然自得日暮言歸懷戀而止學徒曰前言戲耳幸可同歸林中猛獸恐相殘害書生遂留往來樹側景夕之後異光燭野管絃清雅幃帳陳列俄見老翁策杖來慰頃有一嫗携引少女並賓從盈路絃服奏樂翁乃指少女曰此君之弱室也酣歌樂謙經七日焉學徒疑爲獸害往而求之乃見獨坐陰樹若對上客告與同歸辭不從命後自入城拜謁親故說其始末聞者驚該與諸友人同往林中咸見花樹是一大宅僮僕役使驅馳往來而彼老翁從

容接對陳饌奏樂賓主禮備諸友還城具告遠近十
歲之後生一男子謂其妻曰吾今欲歸未忍離阻適
復留心棲寄飄露其妻旣聞具以白父翁謂書生曰
人生行樂詎必故鄉今將築室宜無異志於是役使
靈從功成不日香花舊城遷都此邑由彼子故神爲
築城自爾之後因名波吒釐子城焉疏摩度羅亦云
摩偷羅亦中印度境西域記第四者彼記名秣菟羅
國記中不說孔雀之緣言有舍利等塔者等取大目
捷連及富樓那塔言寺北有巖等者記云城東行五
六里至一山仰藍疎崖爲室因谷爲門尊者烏波鬯

多唐言近護之所建也其中則有如來指爪窣堵波伽藍
北巖間有石室高二十餘尺廣三十餘尺四十細籌
填積其內尊者近護說法化道夫妻俱證阿羅漢果
者乃下一籌異室別族雖證不記疏安籌雖是後事
等者恐人設難云既是衟多建窟乃是佛滅之後百
年中事今は始成說經那是彼窟故爲此通疏三俱
珍那城者大同釋嬌陳如名疏目真此云解脫等者
西域記第八云自支鄰陀龍王池其水清黑其味甘
美西岸有小精舍中作佛像昔如來初成正覺於此
宴坐七日入定時此龍王警衛如來卽以其身繞佛

801 1 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8 9

撰述

大漢書傳
摩訶陀國
經藏品
卷之二

王

州

七帀化出多頭俯乘爲蓋故池西岸有其室焉疏摩蘭陀國未詳所在者更以義推摩蘭陀卽摩伽陀無礙龍王建立正是普光法堂是今說法之處耳以不指云此處故云未詳所在疏大集但名慈窟者卽月藏分第十亦但列名無別指處下當具引月藏之文疏此云多思惟者婆沙亦云支那此云漢也西域記云大漢具云摩訶支那故真諦三藏云衣物意云是衣冠人物之國皆是義翻疏翻爲正疏亦青州分野者禹別九州東爲青州則天下分其九分野矣疏然今之到此山者相傳云以是秦始皇築長城到此畢

工故立其名疏八疎勒國等具云佉路數怛勒者西域記第十二云出葱嶺其烏鵖國此國城西二百餘里至一大山從此北行山磧曠野五百餘里至佉沙國舊云爲疎勒者乃稱其城號也正音具云室利訖栗多底疎勒之言猶爲訛也釋曰疏依古疏卽日照三藏釋西域記云佉沙國周五千餘里多砂磧少壤土稼穡殷盛花果繁茂從此東南行五百餘里濟河踰沙至研句迦國唐言沮渠周千餘里國南境有大山崖嶺差峨峰巒重疊草木凌寒春秋一觀溪澗濱瀨飛流四注崖龕石室碁布嚴林印度得果人多運

8012345678990123456789100123456789

按述

大方廣佛華嚴經卷第十一

十一

州七

神通輕舉遠遊棲止於此諸阿羅漢於此寂滅者衆是故多有窣堵波也今猶現有三阿羅漢居巖岫中入滅心定形若羸人鬚髮恒長故諸沙門時往爲剃而此國中大乘經典部數尤多佛法至處莫斯爲盛也十萬頌爲部者凡有十數自茲已降其流寔廣據此華嚴等經邦在此國自此而東踰嶺越谷行八百餘里至瞿薩旦那國唐言地乳卽其俗之雅言也俗語謂之漢那凶奴謂之干迺諸胡謂之豁旦印度謂之屈丹舊曰干闐者訛也瞿薩旦那國周四千餘里砂磧大半壤土隘狹宜穀稼多衆果宗尚佛法伽藍百餘所僧

徒五千餘人並多習學大乘敎法王甚曉武敬重佛法自云毗沙門天之祀胤也昔者此國虛曠無人毗沙門天於此棲宅無憂王太子在咀又始羅國被抉目王怒譴謫輔佐遷其豪族出雪山北居荒谷間遷人逐牧至此西界推舉尊豪首立爲主當是地也東土太子蒙譴流徙居此東界羣下勸進又自稱王歲月已積風敎不通各因畋獵遇會荒澤更問宗緒因而爭長忿形辭語便欲交兵或有諫曰今何遽乎因獵決戰未盡兵鋒宜歸治兵期而後集於是廻駕而返各歸其國校習戎馬督勵士卒至期兵會旗鼓相

挾述

卷之二

七

州

望旦日合戰西主不利因而逐北遂斬其首東王乘
 勝撫集亡國遷都中地方建城郭憂其無土恐難成
 功宣告遠近誰識地理時有塗灰外道負大瓠盛滿
 水而自進曰我知地理遂以其水屈曲遺流周而復
 始因卽藏軀忽而不見依彼水迹峙其基堵遂得興
 工卽斯國治今王所都於此城也城非崇峻攻擊難
 莪自古已來未能有勝其王遷都作邑建國安人工
 縢已成齒耄云暮未有胤嗣恐絕宗緒乃往毗沙門
 天神所祈禱請嗣神像額上剖出嬰孩捧以廻駕國
 人稱慶既不飲乳恐其不壽尋詣神祠重請養育神

前之地忽然隆起其狀如乳神童飲吮遂至成立智
 勇光前風敎遐被遂營神祠崇先祖也自茲已降
 世相承傳國君臨不失其緒故今神廟多諸珍寶拜
 祀享祭無替於時地乳所有因爲國號王城南十餘
 里有伽藍此國先王爲毗盧折那唐言遍照阿羅漢
 建也王城西南二十餘里至瞿室餽伽山唐言牛角
 山峯兩起巖隙四絕於崖谷間建一伽藍其中佛像
 時燭光明昔如來曾至此處爲諸天人略說法要懸
 記此地當建國土敬崇遺法遵習大乘卽今處也牛
 角巖有大石室中有阿羅漢入滅心定待慈氏佛數

撰述

卷一

州

百年間供養無替近者崖崩掩塞門徑國王興兵欲除崩石卽黑蜂羣飛毒螫人衆以故至今石門不開釋曰據此亦爲聖居或指江表牛頭者卽金陵南四十里有山名牛頭謂由此山有雙峯故一名雙闕一名天闕一名南郊一名仙窟皆以累朝改革不定按域地誌云此山高一千四百尺周廻四十七里準西域記及舊華嚴經菩薩住處品心王菩薩告諸菩薩言東北方邊夷國土名牛頭若按新經云疏勒國有一住處名牛頭山如前所引西域記文此與真丹處則異也此文見金陵塔寺記古老相傳云是辟支佛現形之所

而前後文多云菩薩於中止住而其靈應往往有之疏迦濕彌羅記第三云北印度境末田乞地卽阿羅漢名昔云末田乞地新云末田底迦迦濕彌羅國周七千餘里四境負山山極峭峻雖有門徑而復隘狹自古鄰敵無能攻伐云昔此國本龍池也佛世尊自烏仗那國降惡神已欲還中國乘空當此國上告阿難曰我涅槃後有末田底迦阿羅漢當於此地建國安人弘揚佛法如來寂滅之後第五十年阿難弟子末田底迦阿羅漢者得六神通具八解脫聞佛懸記心自慶悅便來至此於大山巖宴坐林中現大神通

8012345678990123456789100123456789

撰述

九

州七

龍見深信請答所欲阿羅漢曰願於池內惠以容膝
 龍王於是縮水奉施羅漢神通廣身龍王縱力縮水
 池空水盡龍翻請池阿羅漢於此西北爲留一池周
 百餘里自餘枝屬別居小池龍王曰池地總施願恒
 受供末田底迦曰我今不久無餘涅槃雖欲受請其
 可得乎龍王重請五百羅漢常受我供乃至法盡法
 盡之後還取此國以爲居池末田底迦從其所請時
 阿羅漢既得地已運大神力立五百伽藍於諸異國
 買鬻賤人以充役使以供僧衆末田底迦入寂滅後
 彼諸賤人自立君長鄰境諸國鄙其賤種莫與交親

謂之訖利多

唐言買得

今時泉水已多流溢疏乾陀羅國

西域記第三云健馱邏國有伽臘色迦王以如來涅槃之後第四百年應期撫運王風遠被殊俗內附機務餘暇每習佛經日請一僧入宮說法而法異儀部執不同王用深疑無以去惑時脇尊者曰如來去世歲月逾遠弟子部執師資異論各據闡見共爲矛盾時王聞已甚用感傷悲歎良久謂尊者曰猥以餘福幸遵前緒去聖雖遠猶爲有幸敢乞庸鄙紹隆法教隨其部執具釋三藏下取遂召衆僧七日供養欲議法事宜先下令去凡留聖聖衆猶多復去有學無學

支那

大正清淨佛菩薩全傳經寶卷卷之二

十一

卅七

撰述

十一

州

猶多次留具三明六通具者猶多次取內具開三藏
 外達五明乃至四百九十九人後一世友未得羅漢
 等廣集三藏凡三十萬頌王以銅鑠鑄寫石函封緘
 全捨此國與僧故多聖居也疏苦末羅者此翻爲黃
 雜色初品經巧幻術修羅王苦末羅王乃偈共長行
 唐梵互出與此釋不同偈云紅色光神又其城東南
 十餘里有窣堵波中有佛牙長可寸半其色黃白彼
 多聖迹故是聖居疏相傳云是佛留影處者卽西域
 記第二說那揭羅國城西南二十餘里有伽藍伽藍
 西南深澗峭絕瀑布飛流懸崖壁立東岸石壁有大

洞穴瞿波羅龍之所居也門徑狹小窟穴冥闇崖石
 津壁溪徑餘流昔有佛影煥若真容相好具足儼然
 如在近代已來人不遍覩縱有所見髣髴而已至誠
 祈請有冥感者乃暫明示尚不能久昔如來在世之
 時此龍爲牧牛之士供王乳酪進奉失儀旣獲譴責
 心懷恚恨卽以金錢買花供養受記窣堵波願爲惡
 龍破國害王卽趣石壁投身而死遂居此窟爲大龍
 王便欲出穴成本惡願適起此心如來已鑒愍此國
 人爲龍所害運神通力自中印度至龍所龍見如來
 毒心遂止受不殺戒願護正法因請如來常居此窟

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

諸聖弟子恒受我供如來告曰吾將寂滅爲汝留影
遣五羅漢常受汝供正法隱沒其事無替汝若毒心
忿怒起時當觀吾影以慈善故毒心當止此賢劫中
當來世尊亦愍汝等皆留影像釋曰此與觀佛三昧
海經大同已如初會鈔引然西域記云此國無別君
長屬迦畢試國去健馱邏國不遠或曾屬之耳疏具
如西域記及大集月藏分第十者此卽總指上來諸
處引西域記不局一卷月藏分的指第十然月藏分
當第十二有十卷經第十卷中卽建立塔寺品第十一
爾時娑婆世界主大梵天王釋提桓因曰四大天

王等及諸眷屬從坐而起合掌向佛一心敬禮而作
是言佛說於此四天下中所有過去諸佛如來之所
建立住持大塔牟尼諸佛所依處於現在世及未來
世而常不空佛與菩薩摩訶薩等降大法雨皆悉充
滿初名衆仙所興次名德積次名金剛焰次名香
室次名暎婆梨次名賢城次名須質多羅次名水光
樂住次名牟真隣陀次名金剛地次名慈窟次名那
羅延窟次名渠摩娑羅香次名惠頂次名大德窟次
名善現次名青鬱茂次名虛空子次名牛頭栴檀室

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

次名難勝此是過去諸佛建立住持大塔常爲菩薩等之所加護是故我等常所供養世尊所有聲聞弟子於現在世及未來世復有幾所塔寺住處令我等輩護持養育然此初數處與此經同可以意得故不具引下取意引爾時世尊微笑面門放種種光時四天下有無量百千諸佛住處而現東州八萬佛現北州百千西州五百南州二百五十千佛處現廣說諸國各有佛現等下諸天龍等發願護持

佛不思議法品第三十三疏初來意者文二先正明後解妨今初古德但有三品者以後二品別爲平等

因果故用品雖廣狹不同答果義等疏若答前問下二解妨先問以前六會共答前問皆不重請故問此品何以重請從因果隔絕下古德答此乃有一意一因果隔絕前諸會同因故不別問此下是果果隔於因故此重問二念法希奇果不思議故復念請從因德已下出念法希奇之相上是通意二別明下唯明此品疏別就宗中三門分別初通辨佛德二別顯義相三顯不思議今初通辨中言百四十不共者已見光明覺品今重舉總數謂三十二相八十種好一切種清淨十力四無所畏三念住三不護大悲無忘

8012345678990123456789100123456789

撰述

大藏經卷之三

三

州七

失法永斷習氣一切種妙智爲百四十而言通權小者小乘亦說但相劣耳權大說者皆悉超勝此約五教已有其二若五法下正明實教故云通權權實皆有但實教中會歸法性不壞相耳若言唯一味下二卽頓教若言具無盡下三卽是圓教從故後文中下四辨今經是圓教德疏二別顯義相下於中有三初正顯二德二四句融通三揀權異實今初言信等者此通行位信爲萬行之首則該進念定等位亦以信爲初五十二位所有行德皆有二故疏此二無礙下第二融通可知疏若權教所明下第三揀權異實初

明權教言不雜者如轉依果有二一者所生得卽是四智二所顯得卽是涅槃涅槃本有四智修生修生有爲修顯無爲故二不雜跪法報四句亦有差殊者遮救恐外救云我宗亦有四句何異前融謂一唯法卽在纏法身二唯報卽四智菩提三亦法亦報謂真如出纏具諸功德四非法非報所謂應化今言亦有差殊者正揀權也雖有四句染淨時乖法報非一思之後依此經宗下顯實舉喻四句喻上四句一本有如真金是前第二句二修生如嚴具喻第一句三然由嚴具方顯金德喻第四句修生本有四嚴具無體

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

全攬金成喻第三句此卽合初二句成三四句離初二句無三四句三四兩句同在一時更無別體以此細尋權實斯顯五故唯金不礙嚴具下結第二句歸初句六唯嚴具亦然結第一句歸第二句此約喻說若望前法但初句爲第二第二句爲第一耳從既互全收下結歸本宗無礙之相今更以喻總喻二德如修生在因漸顯於本有在果圓滿於本有非本有理有漸有圓如初生月明雖漸滿而常帶圓月以圓月常在故故十五日月遍在初一二三等中則知滿果遍在因位亦令後後常具前前前常具後後以初

一日有二日月乃至十五日月以十五日月卽初月故法合可知由此故云修生本有以初圓時先已圓故本有修生以初生時亦已圓故忘懷思之疏三顯不思議中三初泛舉法體二就後一中下別語此經三前並是宗下結歸宗趣二中四者一何者不思議徵不思議法體答謂智悲等二於何不思議徵不思議體謂聞思等思不及故四何用不思議徵不思議意謂如來說法本欲利生今絕言思於物何益答意云令信入故謂欲證入要須心絕動搖言忘戲

撰述

大方廣佛華嚴經疏卷之三

三


卅

論耳疏後四別顯佛德者是疏新意欲將五品答其十問然有三重一此品總明佛德具答十問如下科釋二者一一門中含答十問亦如下釋三者五品廣答十問如下說分之初疏古德後二品下叙昔疏且述古便依三品科經疏後諸佛下正顯所念疏文有三一略示法體其不得一向下結彈異釋二然此下對前相攝三此十義相下指前釋相二中今當先列第二會初二十句問一如來地二如來境界三如來神力四如來所行五如來十力六如來無畏七如來三昧八如來神通九如來自在十如來無礙十一如來眼十二如來耳十三如來鼻十四如來舌十五如來身十六如來意十七如來辯才十八如來智慧十九如來最勝二十欠光明故唯十九然句句皆有云何是言經中十句次第可知此中攝彼不依次第對前成三類故一前開此合二前合此開三無開無合欲以此少攝彼之多故先明前開此合於中乃有三句攝前十六句第二前合此開以前二句攝五句第三節彼一句則此中初合有三次此開有六後此不開有一具足十句後前初開有十六次合有二後不開合亦一成十九句就初前開中第一身攝六根者

8012345678990123456789100123456789

身卽六中之一兼攝欠光明一句故有七句第二智慧攝三兼能攝智爲四第三自在攝五兼能攝自在爲六故成十六第二前合此開中亦有三節而初境界開國土無能攝句境界由前智慧已攝竟故雖三節但有二句境界是所化之境國土是所依之境第二節所行攝三卽有能攝然三皆行故言出現與行互有寬狹者遮難恐有難言彼十門出現行是其一如何此行能攝彼耶故以互有寬狹通之如以菩提爲門則菩提之性攝於涅槃若以涅槃爲門則涅槃般若攝於菩提疏前之無礙此開解脫者是第三

節則前但有一此則具於無礙解脫疏音聲卽辯下
第三無開合前後各一句更爲立圖
佛不思議品初十問。如來名號品二十問。



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

七

七

十六意

二十光明

十七辯才

一佛地

七智慧。

十八智慧

十九最勝

三神力

五十力

六無畏

七三昧

八自在。

九無礙。

九自在

十解脫。

十無礙

八神通

九無礙。

十解脫。

十無礙

疏七智性無差爲次第者成十九最勝彼欠二十光明行次第本性無差性隨次第而終不易疏果德離言藉因顯故者此文有四節此對表華之義經宗有因果二分十地已明華引果故二因果同時下表蓮華義謂有問言是華引果何要蓮華故答云餘華多華前果後此華不有則已有則華實雙含又無染故故舉蓮華三又問言蓮華有四何要舉青故答云最

撰述

大方廣佛華嚴經疏略說義卷之三

九

州七

超勝故論云水生華勝者卽優鉢羅華故四又蓮華一蓮多子表一舍一切故此釋藏義疏二者此品具答十問下文中三先總標示二昔以初十下叙昔三今謂下顯正於中三初略示大意二文分爲下正科三今初下釋文但明記上十問尋文易了或開或合顯義無方耳疏如文殊般若中辯光明覺品已引疏別中十句多同出現身之十相者彼之十相卽是十身一普入成益相卽威勢身二無心普應相卽是化身故云種族調善三平等隨應卽菩提身由菩薩智無所住故平等隨應四無著無礙卽智身五周遍十

方卽是法身故云一性六嚴利益生卽福德身七無生潛益卽相好莊嚴身八嚴好滿願卽是願身願力周法界恒轉妙法輪故九窮盡後際卽力持身故彼經中以醫王延壽爲喻喻佛雖涅槃而不失利樂十圓廻等住卽意生身故云心念則現以彼十相十身對今經文一無差異其有難者隨句已釋若依彼次此一卽彼三二卽彼七三卽彼四四卽彼二五卽彼一六卽彼九七卽彼五八卽彼十九卽彼八十卽彼六但彼文廣理無二也疏後一意生等身淨者由言解脫自在故云意生身言等身者等取願身化身等

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

卷之三

九

卅七

也疏四卽三念處行者亦云三念住念謂能緣之慧處謂不增不減平等之理初一心聽法不憂二一心聽法不喜三常行捨心以法界中減退相不可得故增進相不可得故卽涅槃相故如次配之疏三後善謂究竟離垢等故者等字等取及一切究竟離欲爲後邊故法性離垢故能學者亦離垢故修行究竟得離垢故疏諸經論中更多多釋恐狀繁文者智論云讚布施爲初善讚持戒爲中善讚二果報生天淨土名後善復說聲聞獨覺大乘亦名三善寶懶經云知苦斷集名初善修八正道爲中善證滅名後善是名

聲聞初中後善若不捨菩提心不念下乘廻向一切智是名菩薩初中後善等釋曰今疏全依瑜伽故指餘釋疏餘七經文略無者謂略故無非是全無今依瑜伽具出論云四者文巧謂善緝綴名身等故及八語具者一先首二美妙三顯了四易解五樂聞六無依七無違八廣大如瑜伽二十五說五義妙謂能引發利益安樂六純一謂不與外道共故唯佛法有外道所無七圓滿無限量故最尊勝故義豐且勝故名圓滿八清淨謂自性解脫故一剎那自體解脫故或法自體解脫故九鮮白謂相續解脫故設多剎那亦

支那

卷之三

七

卅七

（撰述）

解脫故能學之者亦解脫故十梵行之相謂八聖道
支滅諦名梵道諦名行與滅爲因此具八道名梵行
相當知此道由純一道等四種妙相之所顯說四十經

七經

疏今初十力是別名下疏文有六一總科二是則標
中十力一一遍下別中下融通三古德下叙昔四則
令別中下辨違五設欲下遮救六十中一廣大下正
釋四中言亦令餘門無廣大義者以廣大爲初門故
言初門無最上等者初門唯有廣大故無餘九最上
在初略舉其一等於下八疏設欲下五遮救謂彼救
云雖則互有何方從多立名故今答云從多可爾不
在初略舉其一等於下八疏設欲下五遮救謂彼救

應順次以逆次配與文相順故下釋文一一從多逆
次名釋然總名那羅延幢者卽帝釋力士之名疏者
婆入火現相已引入獄問罪卽報恩經第四令耆婆
往阿鼻地獄問調達云汝今受罪云何答云如第三
禪樂今取入中問罪苦不能害耳疏心善解脫由三
相者卽瑜伽八十五說四十經

十身相海品第三十四疏如來十身標人顯德者疏
文有四一釋名二辨類三出體四辨因若準探玄宗
中有佛相章八門分別一釋名二體性三種類四出
因五積成六修時七建立八業用今四門中已具其

撰述

大藏經卷之三

三

州七

要疏觀佛三昧下第二辨類卽引證以辨於中二先正明二料揀前中卽第九經菩薩本行品第八佛告阿難如來有三十二大人相八十隨形好金色光明一一光明無量化佛身諸毛孔一切變化及一切色略中略說者我今爲此時會大衆及淨飯王略說相好佛生人間示同人相故說三十二相勝諸天故說八十種好爲諸菩薩說八萬四千諸妙相好佛實相好我初成道摩竭提國寂滅道場爲普賢賢首等諸大菩薩於雜華經中已廣分別釋曰略中略言卽是經文二略三廣乃疏取意釋之以前有略中略則必

有略矣又彼先說入萬四千今有十蓮華藏故對彼爲廣則彼經文從爲諸菩薩說八萬四千諸妙相好爲第二段從佛實相好我初成道下爲第三段文亦分明疏三中初通下第二料揀依前三類三重料揀第一約乘二約三身十身三約機見今初兼含五教初一小乘及始教二卽終教三卽圓教其頓教以無相爲宗後二兼舉因顯果言示同於人端正不亂者俱舍說輪王相云相不正圓明故與佛非等此明輪王有三十二相有三義不及如來一處不正二相不圓三不明了今正不亂卽處異輪王其端正二字是

撰述

大藏佛華經於印度海善劍等上

三

州七

明是圓故示同人而勝人矣疏次唯大乘等者卽明果相如因中斷八萬四千煩惱成八萬四千波羅蜜獲八萬四千相好無量壽觀經云阿彌陀佛有八萬四千相一一相有八萬四千隨好一一好復有八萬四千光明一一光明遍照法界念佛衆生攝取不捨卽此中等相也疏又初化下第二約三身十身料揀若配三身一是報身二是法身若約四身二由屬他受用報有分限故後卽自受用報及法又法身無相今前二屬三身後一屬十身十身必融三身故後具前二疏又初凡聖同見下三約機見料揀次唯地上

者他受用故上報化不同後唯圓機卽屬圓融不分地前地上故云然通五位此五位者卽三賢十聖等妙一覺六位之中除果位耳若開十信卽除等覺疏若語其體下第三出體二節定慧者以法門爲相故疏若語其因下第四辨因通純雜者卽是圓融相因如前主水神處已明疏前二相因如瑜伽等者指廣業者宣說種種業各各感等如是三十二相無有差別當知皆由淨戒爲因若犯戒尚不得下賤人身況佛相好若言各各業感如契經說卽是別因就中有

撰述

大方廣佛華嚴經卷第十一

三

州也

一行感一相如云若諸有情有所希冀隨其所樂正捨珍財感得頰如師子是或一行感多相如能施悅意發喜飲食嚴具等感身皮金色常光一尋一毛孔一毛生身皮細滑等或多行感一相如言於其父母種種供養於諸有情諸苦惱事種種救護由往來等動轉業故得足下千輻輪相又由四種修事業感一切相謂決定修感足下善安住由悉修感千輻輪等由恒常修感纖長指等由無罪修感餘相皮金色等又諸佛加行感異釋曰此卽一行品類所感不同論云此相好種性地有種子勝解行地修方便清淨

增上意樂地名得餘上地轉勝清淨佛地善淨無上卽此相由所依性能任持故由極殊妙令端嚴故說名隨好釋曰從卽此相由所依下釋好義好義後品方用因便此引其智論涅槃等經初會主水神處已引若觀佛三昧海經次前明三品相後云佛告阿難如來往昔無量無邊阿僧祇劫以智慧火燒煩惱薪中無量化佛何況多耶釋曰此通後二相因疏令修無盡之行顯成爲趣者顯約本有成約修生疏普賢本是會主者此下通不請之妨有二意通初意可知

8012345678990123456789100123456789

撰述

大方廣佛華嚴經隨疏演義鈔卷第七十七

古

州七

二或前品未下二約五品答問通謂先列國土等十
問前品答種性問此下四品更答四問餘之五問或
在此品之前已答經來未盡所以略無別屬問答前
品已明

大方廣佛華嚴經隨疏演義鈔卷第七十七

音釋

鯨鯢

鯨渠京切觀研奚切鯨觀海中大魚也雄曰鯨雌曰鯢

颺

余章切飛舉也

徼

吉弔切

切鞏

大韋切威遇切老

袞

熒綱切好衣也

往

丘加切

住

丘加切

計

字九十二

大方廣佛華嚴經隨疏演義鈔卷第七十八

唐清涼山大華嚴寺沙門

澄觀述

跋第二佛子下疏文有三初舉數總科二或略不具
下料揀三細論一相下大科於中先縱成經次後今
以類例下大科十九言斯卽順觀相海者觀佛三昧
海經觀佛相海有二一總觀有三十二等二別觀一
二從足輪至頂名逆觀故云今是順觀據普賢言應
言順說爲欲成觀是本意故名爲順觀卽彼第九經
觀像品第九跋若爾餘何不然者上正圓融此下通

8012345678990123456789100123456789

妨謂有問言若表圓融何不諸相皆具三十二耶答意可知而文亦三初正答二故善生下引證三此約相好相對下亦是通難難云諸經論說伏於人故說三十二相伏諸天故說八十種好故人中輪王許有三十二相而無八十種好則好勝矣故爲此通謂此約相體以對好體相勝於好彼約人具則具好爲勝亦如世人一尺之面不及三寸之鼻三寸之鼻不及一寸之目則相相相望以辨勝劣若有人有三寸之鼻一寸之目更無餘相則不及身總具多相爲貴人矣疏一列名名從用立者謂此名光照一切方等下

辨業用云一一咸放摩尼寶光等明知從用以立光名下諸文勢皆悉如是或從用立或從體得可以意求疏觀佛三昧經云如合拳者卽第四經引此成上如拳拳言尚隱合拳卽覆拳於頂上有隆起之相也然此相能滅一切罪長一切福故佛頂尊勝正明於此卽烏瑟尼沙毘念毘觀延善住之壽滅地獄之苦不受七反畜生永離人間殘報疏卽具十楞等者亦觀佛三昧經第二廣說觀白毫相彼經先說白毫之因云從捨心不慳不見前相不憶財物無所封著而行布施下取意引

8012345678990123456789100123456789

撰述

德生次云我滅度後有諸弟子晝夜六時能於一時
中少分少分之中能須臾間念佛白毫令心了了無
謬亂想分分明止住注意不息念白毫者若見相好若
不得見如是等人除九十六億那由他恒河沙微塵
數劫生死之罪佛告父王如來有無量相好一一相
中有八萬四千諸小相好如是相好不及白毫少分
功德釋曰故應觀察況依此經如是而觀疏福德人
至鼻等者卽智度論文或至梵世卽法華經如來神
力品爾時如來出廣長舌相上至梵世或覆三千卽
阿彌陀云出廣長舌遍覆三千大千世界說誠實言

等疏無俟觀破搏聚者金剛經云須菩提於意云何
三千大千世界所有微塵是爲多不須菩提言甚多
世尊須菩提諸微塵如來說非微塵是名微塵如來
說世界非世界是名世界釋曰此段論名第十色及
衆生身搏取中觀破相應行住處大意云衆生世界
但攬塵成今從麤至細乃至極微皆無實體故云世
界卽非世界今云無俟觀破者觀破但是假想爲未
了者若了法本空不待觀破又彼云搏取今云搏聚
是義引耳故什云欲破極微覺賢云以一故衆以衆
故一微自無性則爲空矣餘如前說疏故佛涅槃四

概述

牙不碎者卽後分經聖軀廊潤品疏四中有法乳等
 三者論第三十八云五想聽法一如寶二如眼三如
 明四大果功德五無罪想今云法燈合明眼二義大
 果卽資法身無罪總明離過疏上來略列下結釋料
 捷於中有四一總辨名數言譯者安置者以晉經無
 數故二旣不說盡下明立理欲合盈百故言旣不說
 盡者十蓮華藏塵不可說盡故三況此中所列下重
 以理成合成百義四晉經有遺下遮其傍救恐有救
 云如大慧百八豈要圓數凡立名數多有所表故故
 今通難云此有九十七卽有所表晉有九十四復何

所表昔表爲是今表卽非是故不應生情配屬若表
 亦須成九十八

如來隨好光明功德品三十五疏二釋名中二先辨
 得名言隨逐大相者卽觀佛經意前品已引二如來
 之隨好下釋名疏照七地者一種性地二勝解行地
 三淨勝意樂地卽是初地四行正行地從二地至七地五決
 定地八地六決定行地九地七到究竟地從十地至八地疏如
 是展轉況於諸相等者上有五重今越中間故云展
 轉然其舉況亦合五重謂一以因一光況果一光所
 越應云二果一光尚爾況果多光三足下好光尚爾

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

況餘好光四好光尚爾況於一相五一相尚爾況於多相疏文但有初及後句餘可例耳復應更有二重謂六外相尚爾況於內德七一德尚爾況於多德故瑜伽四十九廣說舉況因說相好因竟云又於此中以要言之一切有情福聚量等爾所福聚能感如來一毛孔處乃至一切所有毛孔隨入福聚能感如來一種隨好乃至所有一切隨好隨入福聚增至百倍爾所福聚能感如來相中一相乃至一切所有諸相隨入福聚除白毫烏瑟膩沙增至千倍爾所福聚能感如來眉間白毫乃至白毫增至百千倍爾所福聚能感如來其頂上現烏瑟膩沙無見頂相乃至白毫隨入福聚增至俱胝百千倍爾所福聚能感如來諸相隨好而不攝餘大法螺相由此法螺隨如來欲發大音聲普能遍告無邊無際諸世界中所化有情如是無量福聚資糧修證圓滿能感如來不可思議無上無等遍一切種極圓滿所攝自體下取意引又此相隨好略由三因說爲無量一時無量三僧祇修故二意樂無量緣無量衆生利益安樂故三品類無量無量善業差別故故云無量福聚能起如來諸相隨好釋曰經中說所感之相論舉能感之因而因果相

据述

廣雅書系闡明清音錄卷之二

五

州

成此文證知佛德難思可證前後數節之文疏文從諸相不及法螺可證出現圓音之義前妙嚴品已略指耳疏謂雖修乘戒行寬故者初地已引此下別有一解以全悟意往昔親近衆善知識親近法華涅槃經等衆善知識心不放逸顯曾修行依諸經修行後聞此經因該果海果徹因源便生毀謗故墮地獄由聞歷耳種金剛種以爲宿因毗盧遮那大威神力以爲現緣因緣相資頓昇十地等據此卽非是戒緩墮於地獄故十地品云雖此衆淨廣智慧甚深明利能決擇其心不動如山王不可傾覆逾大海有行未久

一生解未得未有華嚴圓融之解

隨識而行不隨智聞此生疑

墮惡道我愍是等故不說此卽是生疑墮地獄又偈讚品云如來廣大身究竟於法界不離於此座而遍一切處若有聞此法恭敬信樂者永離三惡道一切諸苦難釋曰定知不是戒緩又出現品云如乾草積等須彌投芥子火必燒盡供養如來少功德必令滅苦至涅槃何以故性究竟故全悟雖是後輩不忍見疏失於經意所以扶同拯教異於古人緣疏已行不可改疏請後賢審詳疏惡業善根下遮難釋文恐有難言地獄及身旣由惡業卽從惡業中來前業報成

撰述

大藏經卷之三十一

州八

佛卽從善根中來何以金言非十方來故今釋云正由從業卽是從緣無性來卽無來若不從緣則有定性不得無來中論云若法從緣生是卽無定性若無定性者云何有是法卽因緣故空義耳疏因緣者名爲智慧者卽略暗引涅槃二十一爲證前疏已引彼經云智慧之法不從因緣云何問於因緣今取此勢汝諸天子何因向疑何因發此微妙之音疏先教識受生令捨曲見者涅槃二十一說若見如來實王宮生納妃生子雙林滅等是二乘曲見疏是知佛化所生非沒生也者卽淨名經觀衆生品舍利弗問天女

汝於此沒當生何所天曰佛化所生吾如彼生曰佛化所生非沒所生天曰衆生猶然非沒生也疏先明法身遍而叵見者叵不可也故出現品云譬如法界遍一切不可見取爲一切諸佛境界亦復然遍於一切非一切疏非謂有選生處者本行經說如來將欲下生以淨天眼觀間浮提何處堪我下生乃至云唯有淨飯王家堪餘家不堪則似有選生處無分別智實無選擇卽智之悲應物然耳則選無所選疏後如法正教此上標章後夫欲悔過下廣釋其相於中分二光明所治之病後顯能治之藥此卽天台止觀之

意今初但略彼名若具云。一自從無始闇識昏迷煩惱所醉妄計我人計我人故起於身見由身見故妄想顛倒由顛倒故起貪嗔癡癡故廣造諸業業則流轉生死二者內具煩惱外值惡友扇動邪法勸惑我心倍加隆盛三者內外惡緣既具能內滅善心外滅善事又於他善都無隨喜四者縱恣三業無惡不爲下七全同但八言虜扈者亦云跋扈皆不尊敬貌下結云是爲十種順生死流昏倒造惡如廁蟲樂廁不覺不知積集重累不可稱計四重五逆極至闡提生死浩然而無際畔疏次起十種下二顯能治之藥彼

云今欲懺悔應當逆此罪流用十種心翻除惡法先正信因果決定屏然業種雖久久不敗亡終無自作他人受果精識善惡不生疑惑是爲深信翻破一闡提心二自媿剋責鄙極罪人無羞無恥習畜生法棄捨白淨第一莊嚴咄哉無鉤造斯重罪天見我屏罪是故慙天人見我顯罪是故媿人以此翻破無慙無媿心三怖畏惡道人命無常一息不追千載長往幽途縣邈無有資糧苦海悠深船筏安寄聖賢呵棄無所恃怙年事稍去風刀不奢豈可晏然坐待酸痛譬如野干失耳尾牙詐眠望脫忽聞斷頭心大驚怖遭

撰述

大方廣佛華嚴經疏於陀羅尼經卷第十一

八

州八

生老病尚不爲急死事不奢那得不怖怖心起時如履湯火六塵五欲不暇貪染如阿育王弟坐於御床希大帝王聞旃陀羅朝朝振鈴一日已盡六日當死雖有五欲無一念愛行者怖畏苦到懺悔不惜身命如野干決死絕無所思念如彼怖王以此翻破不畏惡道心四當發露不覆瑕疵賊毒惡草急須除之根露條枯源流傾竭若覆藏罪是不良人迦葉頭陀令大衆中發露方等令向一人發露其餘行法但以實心向佛像前自求改革如隱處有癱覆諱不治則致於死以此翻破覆藏罪心也五斷相續心者一懺已

後更不復作若懺悔已更作者如王法初犯得輕若更作則重初入道場罪則易滅更作難除若能吐之云何更歟以此翻破常念惡事心六發菩提心者昔自安危人遍憐一切境今廣起兼濟遍至虛空界利益於他以此翻破一切處起惡心也七修功補過者昔三業造罪不計畫夜今善身口意策勵不休匪移山岳安填江海以此翻破縱恣三業之心八守護正法者昔自減善亦減他善不自隨喜亦不喜他今守護諸善方便增廣不令斷絕勝鬘經云守護正法攝受正法最爲第一翻破無隨喜心今疏但云隨喜他

撰述

大方廣佛華嚴經疏演義卷第十一

十一

州

善者取意對上耳九念十方佛者昔親狎惡友信受其言今念十方佛念無等慈作不請友念無等智作大導師翻破順惡友心十觀罪性空者了達貪欲嗔癡之心皆是寂靜門何以故貪嗔若起在何處住知此貪嗔住於妄念妄念住於顛倒顛倒住於身見身見住於我見我見則無住處十方諦求我不可得我心自空罪福無主深達罪福相遍照於十方今此空慧與心相應如日出時朝露皆失一切諸心皆是寂靜門樂寂靜故以此翻破無明昏暗是爲十通懺悔順涅槃道逆生死流能滅四重五逆之過若不解此

十心全不譴是非云何懺悔設入道場徒爲苦行終無大益涅槃云若言勤修苦行是大涅槃近因緣者無有是處卽斯意也是名懺悔事中除滅重罪彼止觀中更有別懺悔見罪亦有十心翻破前十而皆約觀行別歷十心大意觀罪性空中意與下經文同不能繁引其中釋文此疏不廣及下釋經皆已暗用今皆併引使知來處亦分疏中主客之言疏向以起心之次第者從微至著故翻破則從麤至細謂先起信心次生慚愧等如垢衣受垢先微後著若洗濯時先去麤垢後除細垢言此中則以勝劣爲言故者謂菩

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

接述

提最勝等故疏一發菩提心爲懺所依者依菩提心
懺方爲真懺不發心懺非是真善故五十八經云忘
失菩提心修諸善根是爲魔業故從以是行本下通
不次妨義如前說疏餘如別說者此有二事一明二
障者體下疏更明二明別說見障卽如向引止觀說
也疏一一佛前及衆生前者佛爲懺悔之主憑佛能
除衆生是所對之境昔曾惱害故疏旣人天凡聖等
者一一生衆中有天一一佛前卽聖聖天見我屏過
人見我顯過故爲慚愧此一段疏用一段經而有二
意一以遍對翻無慚愧二從由遍運意下亦以遍對

翻第四縱恣三業疏兼顯妄計我人等者觀罪性空
正破妄計而言兼顯者以此有二意故一兼顯所治
故下三事皆是所治次下一一皆有能治謂勝義空
破妄計我人顯非斷常破撥無因果對十方佛翻外
遇惡緣二者觀空正破橫計我人今加後二故云兼
也唯一性空破於三過疏今初業爲報因三障首故
下出別懺業及先懺所以在文可知從非先有體下
釋經於中有二先釋不從東方等來無體性故即是
空義二釋從顛倒生言釋空所以者從因緣生卽空
所以以從顛倒生故成無體性空義從由業障海下

標題

大方廣佛華嚴經卷之三

州八

卽普賢觀經之文引此成上二義卽一切業障海皆從妄想生若欲懺悔者端坐念實相是也言令此空慧與心相應者亦卽普賢觀經文將此釋今經決定明見無有疑惑空慧相應斯慧決斷故能如是知却釋菩薩字以令天子懺悔乃云菩薩如是者由見二空之理卽爲菩薩故疏以喻俗有真無者卽中論意緣生幻有爲俗無性空理爲真疏有無二文三障影略者謂說有中略無報障說無之中略無煩惱從旣無我下會前十心疏若謂爲空諸佛不化者中論云諸佛說空法爲離於有見若復見有空諸佛所不化

疏故今顯非斷無下會上十心以是緣成無性之無故非斷無所以經言而受其報亦同淨名無我無造無受者善惡之業亦不亡疏定有卽常定無則斷者亦中論偈偈云定有則著常定無則著斷是故有智者不應著有無言俱亦是二者謂有無俱者則二見相違亦不離亦斷亦常言故雙破二見者故經云諸佛不說有斷常法疏故雖空不斷下亦中論偈論云雖空亦不斷雖有而不常罪福亦不失是名佛所說疏令其真念十方諸佛者若不了唯心見從外來取色分齊豈知卽心卽佛若知心佛衆生三無差別爲

撰述

大正元年春月印行
大正元年春月印行

州

真念佛善知識云念佛即是念心念心即是念佛佛無形相心無生滅心境一致故云真念佛又業亦如幻者重幻之義如前已引從又幻非有無下上辨性空此下說中道疏以三昧力聲普聞故者釋妨妨云此土兜率天鼓說法云何益及百千億等刹耶答意可知疏今初皆有故字等者疏文有五一牒經義言似牒前爲因者則似由聞廻向及得十地并得三昧此三爲因見佛爲益二從而前來未有下出不合加故字所以三是以晉經下引古經爲證四應言聞說下正其經文五上句得位者下釋文位卽十地言下

句成行者卽諸力莊嚴三昧分得十力下釋諸力義謂十力是佛果德今言得者卽分得耳疏或迷說成諦等者卽第五地中十諦之義言十諦者卽是十種觀察四諦謂一善知俗諦二善知第一義諦三善知相諦四善知差別諦五善知成立諦六善知事諦七善知生諦八善知盡無生諦九善知入道諦十善知一切菩薩地次第成就乃至善知如來智成就諦今言說成者卽論經中第五成立諦名也以其第五觀於四諦緣起集成故偏舉之隨言顯示故論中名爲說成也疏然二皆有理者卽疏會通金未見文故未

撰述

大藏經佛學叢書
金剛經疏卷之二

十一

州

可去取但以理通然其前解似偷於煩惱故後似約業故又迷十諦惑義多故疏更有異釋如賢劫經者會通異釋九地已引疏今初準晉經云種一恒河沙下疏文有二先通釋清淨金網後別釋一恒沙言前中有三一引晉經梵本成寶網義二牒舉今經三引縷絡成上二經今初言多箇輪王者卽寶網是一等取金網瑠璃等多故有一恒沙也言非一輪王之多善者則以舊經彈於今經云種清淨金網轉輪王一恒河沙善根則一輪王有多善耳言梵本亦然者卽以梵本成於晉經疏而言清淨金網者第二牒舉今

經疏準縷絡上卷下第三引縷絡經成立二經於中三一引經二成晉經三成今經今初言至第七地十三寶相輪者以初地七寶二地八寶三地九寶四地十寶五地十一寶六地十二寶七地十三寶八地已上不增寶數故但云大應寶相輪等疏若順晉經下第二成晉經謂今得十地成九地已上善根白淨同白雲寶故從卽前香幢雲者引前行經證成晉經晉有白字前有雲字二經合成縷絡白雲寶義疏若然但是所等則金網無失下第三會取今經於中又二先順晉經收今經謂晉經得十地有九地已下白淨

撰述

州八

寶等諸輪王善彼云白淨寶網等等卽等於金銀輪等若是能等爲金網則十地非金若以所等爲金等何失則晉經從九地向下等今經從十廻向當中向上等故言無失則亦是多箇輪王善根謂得金網等一恒河沙輪王善根故云無失疏若取十地爲清淨金網正當十地者下直順金網一轉輪王多善根義以三義證成一以無畏珠爲清淨義二以人攝化分齊同十地義卽次行經云住此轉輪王位於百千億那由他佛刹微塵數世界中教化衆生正同十地攝報果中所化分齊三故下此王下以轉益文證成此王轉益尚皆得於十地故知此王卽是十地故彼經云菩薩安住清淨金網轉輪王位亦復如是則金網非所等正是十地但其金字纓絡雖無餘經或有故金剛頂經廣說金輪佛頂疏言一恒沙者下第二別釋恒沙善根雖金輪爲所等能具義則不同一恒沙善根二經須一言九地已還者正順晉經從白淨淨金網轉輪王位放摩尼髻清淨光明是也疏若直言得遇斯光下以理成立疏猶是牒前合中者卽是

撰述

前明鏡世界喻中合文文云菩薩安住清淨金網轉輪王位亦復如是若有暫得遇其光明必獲菩薩第十地位以德依地成下出重牒所以不然下反以成立疏此品之末經來未盡者以說展轉益竟應須結歸本光及隨好力并現瑞成益等今全無此明是未盡

普賢行品第三十六疏通謂二品明出現因果等者疏文有二先正明後若爾何以下解妨先敘妨有三後卽以此義顯是會前下釋通於中二先出所以答後經來未盡答前中亦二先此上二句總答後若更

別問下別答三問初答不問之難二欲會前故不以瑞隔通前第二差別果終而無瑞難三普法希奇下通第三平等因竟便有瑞難疏又前應有下第二經來未盡答以第四十八經終無結束故此後更合有經然此但通第二前無瑞證難疏別謂此品等者疏文有二先直就平等因果明後亦遠答下對前問說於中又二先正對前問後前雖已答下解妨文中分三初正答重難謂先若未答應須答之不思議品已答何須重答故爲此通二亦猶下引例三而妙中之妙下重通伏難謂有難言若例相海等但是重答何

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

州

以別爲平等因果故爲此通古德等者然平等因果
乃是古意爲欲順古故爲此通若疏正意欲將五品
皆答所成果問已如不思議品初說疏初通顯二品
義名下疏文有二先約平等釋後約出現釋前中亦
二先約同歸一理所以平等依性起修約因起用約
果相盡同真所以平等後又因是未因下約二事交
徹故云平等以是得果不捨之因故云因是果因依
果起果之果故云果是果果如空法界二文影略疏
因果俱盡下二約出現釋疏別則品名下疏文有二
先總後別總中言品明所行非說人體者密彈苑公

以彼釋云普者遍也賢者善也行者道也因也謂若
依若正普遍法界塵毛爲普具滿衆善德海爲賢得
道不捨因行爲之因行後便廣引普賢三昧品中釋
普賢身周遍之義曾不說於行行之相故又以普屬
人賢屬德故今彈云爲此以人取行非說普賢之身
疏然普賢行下別釋普行於中三一標舉二釋相三
料揀今初言諸經多有其名者法華經云若有受持
讀誦正憶念解其義趣如說修行當知是人行普賢
行釋曰此卽有名而相猶隱則受持讀誦是事行也
正憶念通智行理行也普賢觀經名觀普賢行法經

撰述

大廣傳三友錄五言集卷之二

七

州八

亦是持經禮懺坐禪皆其行耳故多有名少辨行相
故今辨之疏言品中雖廣者長行與偈一一皆是普
賢之行猶散難見故復束之疏一所求下二釋相疏
上之十行下三料揀於中二先融通謂前有圓融行
布事理等殊今總融爲一若不說事理等異無可融
故故略述其十後方總融二又上十行下約位重揀
兼會六釋普賢位者已見上文二若獨位後下結彈
異釋卽是前總中所破然復有二一破其獨用位後
普賢故如前所引疏文二廣釋普賢下結成非說人
體兼示說人之處疏結縛等名如常所辨者非唯易

故指於常解然上經文早已頻釋恐後學難尋今更
具出經云一無智者卽是無明此通獨頭相應二種
二作惡者卽諸纏此有八種十纏言八種者謂一昏
沉二睡眠此二障止雜集第七云謂修止時昏沉睡
眠爲障於內引昏沉故三掉舉四惡作此二障觀論
云於修觀時掉舉惡作爲障於外能引散亂故釋曰
上一舉字卽是觀也五慳六嫉此二障捨論云修捨
時慳嫉爲障由成就此於自他利惱妬門中數數搖
動行人心故七無慳八無愧此二障尸羅論云修淨
尸羅時無慳無愧爲障由具此二犯諸學處無羞恥

撰述

大廣本聖教苑卷第十一

州八

故言十纏者更加忿覆俱舍頌云或十加忿覆雜集云數數增盛纏繞身心故名爲纏由此諸纏數數增盛纏繞一切觀行者心於修善品爲障礙故更有五纏謂愛恚慢嫉慳經云結者雜集第六云問結有幾種云何結耶何處結耶此有三問答結有九種謂愛結恚結慢結無明結見結取結疑結嫉結慳結應爲頌曰愛恚慢無明見取疑嫉慳論云愛結者謂欲界貪恚結者謂於有情苦及順苦法心生損害慢結者卽七慢等無明結者謂三界無知見結者卽三見謂薩迦耶見邊執見邪見取結者謂見取二戒禁取疑結者

謂於諦理猶豫嫉結者謂耽著利養不耐他榮發起心妬慳結者耽著利養於資生具其心惱惜釋曰云何結何處結問二廣答如論疏故晉經云起一嗔心等

者以今經譯者爲順文令人誤解故引三經以正其義謂習禪者聞經不見諸法爲大過惡便云惡本性空故云不見見則妄想雖是正理不順今經故引三經明是無惡過此爲不見有耳決定毗尼者經但一卷優波離白佛言世尊或有欲相應心而犯於戒或有嗔相應心而犯於戒或有癡相應心而犯於戒何者爲重佛言若有菩薩如恒河沙欲相應心而犯於戒

戒或有菩薩由一嗔心而犯於戒因嗔犯者當知最重所以者何因嗔恚故能捨衆生乃至云所有諸結能生親愛菩薩於此不應生畏所有諸結能捨衆生菩薩於此應生大畏乃至云大乘之人因欲犯戒我說是人不名爲犯因嗔犯者名大過惡名大墮落於佛法中是大留難疏是以大般若中下證於菩薩起嗔中最重彼說魔見衆生互相是非亦生歡喜而非大喜若見菩薩互相是非則生大喜過於常喜如二虎鬪小亡大傷二俱無益菩薩亦爾自他金損皆失二利故疏二何等下徵列者疏文有四初標舉二古

人寄位下序古釋刊定同此三此釋非不有理下辨順違四又所障下結成正義猶是古釋故有又言疏意取此不欲局配故爲正義疏亦從前十及次十而成然有開合者疏恐文繁今當略配其中名字有同初十有同次十今且如次配於次十一由知深法了衆生心行衆生心行最甚深故二由近友成勝業報三由護法故知佛法四了達空界知深理趣五深入法界成妙義持六觀無邊心即是所詮故得能詮辯才演暢七具菩薩行能隨心演八同菩薩善故能普遍九不著諸劫常現影像十順諸佛法具一切智從

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

大廣德寺藏本

卷之二

外八

次十生既如次第從初十生義同前說上依不開若開合者如初二法皆是深法則此開前合若此總持由於近友護法而成則此合前開約理無方故云開合實則如次義已周圓如三對前二既然四五承前可以思準疏第二正顯頌中文三初總科二此是伽陀者是孤起偈揀非祇夜不重頌前三前是略明下揀二文別疏此中玄妙宜審思之者大經文理觸途多妙但文言浩博不能具釋又理玄文易故令思之旣云玄妙今重略釋初偈法喻雙標能觀之智明橫周豎永次偈達二世間假名無實即是假觀三一偈

雙離分別及無分別以成空觀四有一偈解念無念卽中道觀又二卽是觀三卽是止四卽雙運五不動遊刹於器界自在六融念劫於時自在上二事理雙遊七遣二不二善會中道通二世間八結三世間等同法界九結能遍身十結能所不二上半無二遣二下半復遣無二若著無二卽是於二有能所故故知無二非二故無所著疏九一頌知四種說法行者卽三世間及時爲四若時分三世間則成六種若於三世各三世間則有九種總一切說卽是十義從而刹等說者釋義刹及三世此義微隱故疏釋之言融通

者一塵卽攝一切何得刹中無說言顯理者如色卽顯質礙卽顯緣生卽顯無常卽顯無性等言則觸類成教者證顯理義如前教體中明

大方廣佛華嚴經隨疏演義鈔卷第七十八

音釋

藉子智切
積也

叵
普火切

不可也

扈
後五切

遠也

邈
墨角切

吳江黃沙灘公堂貲糧刻此
大方廣佛華嚴經隨疏演義鈔卷第七十八
計字八千三百三十五個
六分七釐 龍山釋海瓊對 該銀四兩乙錢零
壬午禎四年孟秋月徑山化城寺識

大方廣佛華嚴經隨疏演義鈔卷第七十九

唐清涼山大華嚴寺沙門

澄觀述

如來出現品第三十七疏答第二會所行問者以不思議法品中出現卽第二會所行故疏二釋名者疏文分三初正釋二若唯約化下結譚古義三若來卽出現下會六釋初中四一總釋二如來雖下結前生後三若依法身下別釋然法身若約報上論法應云真如出纏是法身出現今以出纏爲報直就體上故云如理常現餘二可知四今以新佛下融通會釋於中二先會三身十身後會品名證成前義前中有三

撰述

州丹

初以法報相對二真應相對三結融三十今初言新佛舊成會無二體者以報就法如出模之像像本舊成故無二體言新成舊佛法報似分者以法就報如金成像全像似分以有未成像全故今成像竟似分二矣前對是非異此對是非一非一卽非異故言似分竟無二體疏無不應時下第二真應相對以辯融通法報皆真體上常用故卽真成應用不離體故卽應而真疏三佛圓融下第三結融三十謂以三佛收十佛不出三身三身旣融十身卽三自體無礙故辯應成下結成正義疏是以晉名下第二會品名二經

品名卽爲二別先會晉經初二句總標以將晉經用成前義故有是以之言雖是義加者梵本無故後以應雖從緣下釋性起義順應現義於中總有六義證成性起今初立理卽不相違門然出現義亦名緣起亦名性起若取相說覽緣出現故名緣起謂由衆生業感如來大悲而出現故八相成道從法性生故名性起今以從緣無性緣起卽名性起又淨緣起常順於性亦名性起故云應雖從緣不違性故疏無不從此法界流故者第二引梁論證成卽相成門明性成於緣故此性起自有二義一從緣無性而爲性起二

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

法性隨緣故名性起前段卽初義今段卽後義亦應云無不還證此法身故此乃緣智相成卽緣成性卽是前義但前取無違今取相成是故此爲相成門也疏以淨奪染性卽起者第三明相奪門亦是通妨謂有問言性起唯淨緣起通染云何緣起卽是性起故爲此通謂緣起有二一染二淨淨謂如來大悲菩薩萬行等染者謂衆生惑業等若以染奪淨則屬衆生故唯緣起今以淨奪染唯屬諸佛故名性起疏若離於緣性叵說故者卽第四是相卽門亦是通妨謂有問言緣起約事性起約理如何相卽故爲此通從緣

無性方顯性起又由見緣推知性起若離於緣復論何性離緣有性是斷空故疏下加性起者卽第五段引當經證卽以人表法門疏妄雖卽貞下第六以妄隱真門亦是解妨妨云若緣卽性妄本自空當體卽性何以不得染奪淨耶故爲此通淨緣順性染緣違故故瓊珞云始起一想住於緣順第一義諦爲善違經則性起局性出現卽起起含緣性故曰多含言從性者性起卽法身從因者緣起緣起卽報身從真從感卽是化身而從真約佛通於緣性謂依法報而起

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

按述

大藏書於日本正義堂

三

州

於化名曰從真從感約生卽是緣起由上諸義故云
多舍結彈六釋金顯可知疏一衆生外增上業者揀
異內異熟業疏謂多有情應生此界共業同變者卽
唯識論釋初能變中處之一字論云所言處者謂異
熟識由共相種成熟力故變似色等器世間相卽外
大種及所造色雖諸有情所變各別而相相似處所
無異如衆燈明各遍似一釋曰此釋共變之義相似
名共論又云誰異熟識變爲此相有義一切所以者
何如契經說一切有情業增上力共所起故有義不
許乃至云經依少分說一切言諸業同者皆共變故

釋曰此揀通局卽今疏文疏依此義云應生此界故
下經云各隨所宜而得受用若不應生豈安樂界所
有衆生變爲此界之穢土耶疏於中有四句謂共中
共等者卽唯識第二引瑜伽論說共不共中各有二
種共中二者一中共中如山河等非唯一趣獨能用
故二共中不共如已田宅及鬼所見爲水火等卽於
彼境非互用也不共中二者一不共中不共如眼等
根唯自識依用之緣境非他依故二不共中共如自
浮塵根他亦受用故疏一約同居等者地前菩薩未
生受用同居變化亦以善業共變此土疏二約能化

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

謂隨諸衆生等者卽淨名意能化菩薩非自業成以
大悲故取土攝生及衆生之類皆淨名經金如世界
成就品引疏先成器界等者俱舍十二云壞從獄不
生至後器都盡成劫從風起至地獄初生論釋云謂
成劫中初一劫起器世間後十九劫起有情漸住壞
中後一劫壞於器界前十九劫有情漸捨二十中劫
初劫唯減後劫唯增然此二時等中十八成壞時量
法爾先成必在後壞疏一品之中下總顯喻意疏廣
大難知周十方故者是下結文疏以十句各結一喻
文皆暗用可以意得疏體無生滅亦是下結文結第

三也疏準五卷大悲經第三云有千葉故者結云阿
難何故名爲賢劫阿難此三千大千世界劫欲成時
盡爲一水淨居天子以天眼觀見此世界唯一大水
見有千枚諸妙蓮華一一蓮華各有千葉甚可愛樂
彼淨居天因見此華心生歡喜踊躍無量而皆讚歎
言奇哉希有奇哉希有如此劫中當有千佛出興於
世以是因緣遂名此劫號之爲賢劫我滅度後當有
九百九十六佛疏次第合前者一清淨離垢光合善
淨光明風輪此約能成若約所成義類亦同此一能
成如來無漏無盡智合成色界色界離於欲過故如

撰述

大藏經華嚴經疏卷第十一

五

州

無漏四禪不壞如無盡也二普照光合淨莊嚴風輪三持佛種性合堅密無能壞四迥出無能壞合勝高輪五一切神通合不動輪六出生變化合安住輪七普隨順合莊嚴輪八不可究竟合無盡藏九種種莊嚴合普光明藏十不可壞合堅固根其所成德可以意取疏所成唯果德者唯釋於法如無漏無盡智不傾動力等皆果德也能成通因果者如持佛種性一切神通皆通因果疏以緣奪因者此中化生衆生自力爲因佛力爲緣餘可思準疏大諾健那者此云露形也疏其量廣無數厚十六洛叉者是俱舍頌上二句云安立器世間風輪最居下疏故淨名云其無礙慧無若干者卽第三菩薩行品經前已頻引今更略示因說香飯爲佛事竟便明諸佛功德平等云阿難汝見諸佛國土地有若干而虛空無若干也汝見諸佛色身有若干其無礙慧無若干也疏若將一一通前十下結彈古釋疏淨意如空總以喻顯等者此中
有深止觀宜審思之第二身業疏唯有五界者結示正義非是略也彈於古釋古云應有十句但文略耳故今彈之疏明如來出現有十種身者疏文有四一
正科經文二此卽八地下會釋十身三四是菩提下

撰述

大藏經卷之三

州元

隨難重釋四一一喻中下釋文此亦古德同迷之處
 不知此十卽十身故疏初二合初句世出世異故者
 謂初二句皆合破暗作明初句滅惡生善卽世間破
 暗作明惡卽黑暗善卽明故後句破愚爲智卽是出
 世破暗作明疏三拔四流等者卽大慈救護大悲度
 脫合變濕令燥四流是濕出世是燥定水是濕菩提
 是燥不沉淀水故疏道品通長下合上生長草木三
 乘草木卽藥草喻品三草二木初會已引喻高原喻
 聲聞者不生佛法蓮華故卽淨名第二譬如高原陸
 地不生蓮華卑濕淤泥乃生此華如是聲聞諸結斷

者於佛法中無所復益煩惱泥中乃有衆生出佛法
 矣前亦已引故法華經法師品內穿鑿高原亦況聲
 聞疏又旣約機說異則照高未能兼下等者如照高
 山未照黑山若照黑山卽照高山謂說華嚴是照高
 山二乘不預說阿含等菩薩常聞等餘例可知疏又
 若捨化下約會權歸實然經但有先照高山之言無
 有後照高山之語今以義求必有之矣會權歸實先
 舍人天非出離故如平地落照次捨聲聞令自悟故
 如高原無光次捨緣覺令起悲故如黑山掩曜次捨
 三乘歸一乘故如山銜夕陽故先大後小卽從本流

8012345678990123456789100123456789

末於一佛乘分別說三等捨小歸大卽攝末歸本則二義皆具疏略中五事皆盲等者亦通外難謂有問言五事皆盲何不言無解等眼答意可知疏此卽涅槃下會涅槃第九初明三罪最重有涅槃因不說闡提後聖行品下收闡提云一闡提人雖復斷善猶有佛性故總收之此四明至惡不捨言三罪者一謗方等經二犯四重禁三作五逆罪此三未必撥無因果撥無因果卽一闡提疏令離苦集者現在身苦爲苦果也及諸煩惱未來苦因義兼惑業上二皆集第三語業疏圓音之義下分三初總明二釋文三彈古初

中疏一敘昔等者昔有三義一云諸佛唯是第一義身永絕萬像無形無聲直隨機現無量色聲猶谷無聲隨呼發響然則就佛言之無音是一約機論之衆音非一而言一音圓音者良由一時一會異類等解隨其根性各得一音不聞餘聲不亂不杳顯是奇特故名一音音遍十方隨機熟處無不聞故名爲圓音非謂如空遍滿無別韻曲經云隨其類音普告衆生斯之謂也二云就佛言之實有色聲其音遍滿無所不遍但無五音四聲等異無異曲故名爲一音無不遍故名爲圓音但是圓音作增上緣隨根差別現衆

撰述

卷之五

州

多聲猶如滿月唯一圓形隨器差別而現多影亦如長風隨其衆竅聲有多種經言佛以一音演說法衆生隨類各得解三云如來於一語業之中演出一切衆生言音是故令彼衆生各聞已語非是如來唯發一音但以語業同故名爲一音所發多故名爲圓音如舍支聲尚多音齊發況如來耶二辯違者上來三解偏取皆失初第一義無形無聲非一音義故但隨他音非自音故第二唯是一語無多音故一不卽多豈爲圓音有則多亦應有無則一亦須無何得一有而多無耶第三雖但是多又無一故若語業同一切

衆生豈一音耶故金非也第三會通者上但責偏不謂全失合上三義方是圓音之一義耳謂多卽一若多不卽一則非一音一復卽多若一不卽多卽非圓音二卽是空空卽是二若二不卽空是所執故不無性故非圓非一空不卽二非音非圓故鎔融無礙卽是圓音此中三義謂初是無生滅義次一是無邪曲義後一是普至義是知得其正義則傍收無遺不得正意金爲爭理疏文有十音下第二正釋經文在文可見但初一卽隨類音亦同淨名佛以一音演說法衆生隨類各得解皆謂世尊同其語斯則神力不共

法釋曰此卽詞無礙解以辯一音三四皆引寶積亦卽淨名寶積長者子偈讚一音次上所引第二偈云佛以一音演說法衆生各各隨所解普得受行獲其利斯則神力不共法釋曰此卽法無礙解云一音也第三偈云佛以一音演說法或有恐怖或歡喜或生狀離或斷疑斯則神力不共法釋曰此卽義無礙解云一音也疏此十圓融下結成上義疏是知或謂無聲下第三結彈古說但結前二以其第三可入正故言皆大地之一塵者約收以結則此一塵不離地界積多小塵可成大地積其多義以爲圓音若約斤彈異說之微豈同正解廣大智地疏今初收上十聲下疏文有三先釋經文二更以四句下以義融攝四句可思後名爲如來圓音下結歎疏若佛音聲是有法非非法者釋曰此非法言卽是真理爲非法耳疏一將成正覺念相欲盡等者卽起信論意數段論文參而用之論云菩薩地盡一念相應覺心初起心無初相以遠離微細念故得見心性心卽常住名究竟覺今取意釋故云將成正覺言念相欲盡者卽微細念也此念亦名生相卽論三細之一論云一無明業相以依不覺故心動說名爲業動則有苦果不離因故

撰述

州

釋曰此念卽細中之細今無此相云細念都亡言得見心性者卽上論文言等虛空界法界一相者卽論釋本覺之文論云所言覺義者謂心體離念離者等虛空界無所不遍法界一相卽是如來平等法身依此法身說名本覺釋曰今略取二句彰所顯本覺言始本無二者卽所成始覺彼論釋前說名本覺竟後云何以故本覺義者對始覺義說以始覺者卽同本覺故始覺義者依本覺故而有不覺依不覺故說有始覺又以覺心源故名究竟覺不覺心源故非究竟覺釋曰今疏取意故云始本無二言契同諸佛

平等法身下結成上來無二之義平等法身卽前本覺言故云說法界下以經帖成疏三德涅槃者涅槃章明疏在法華經以體從用名如來知見者涅槃約理知見約智知見有性非無有理涅槃亦有般若之德非無有智涅槃乃是攝用從體但稱涅槃以爲所證法華經明以體從用但名知見故法華論釋開義云開者無上義卽雙開菩提涅槃示法身同卽唯約理悟約菩提即是於智明其理智況知法無性豈非理耶故今疏云以體從用等疏深固幽遠者卽法華經法師品文文云此法華經藏深固幽遠無人能到

撰述

大藏經書寫於五代後周

卷二十一

州丹

今佛教化成就菩薩而爲開示釋曰幽遠深固名爲祕密疏初心同稟下解妨解妨云法華經除諸菩薩衆信力堅固者又三根聲聞初發大心皆稟法華如來知見何要此位方爲說耶故爲此通約究竟故爲等覺說實則此法通被始末疏更一下生者第二會初已廣分別疏有說初地卽得者六地已引卽仁王云若得信心必不退進入無生初地道疏爲說信等者卽初地淨治地法信悲慈捨無疲厭知經論了世法堅固力慚愧莊嚴供養佛也疏後圓淨者釋經寶字以此十法淨治地障地漸淨故云後後疏十

地地智一一開發者卽釋智慧華開敷不斷二利者不斷大悲行等地地之中有二利故疏中道者名爲佛性初二會中已廣分別言爲上上智觀者亦涅槃文六地已引應以法空智斷一切惑者此有二意一以法空揀於人空照惑無本無斷斷故二言一切者兼斷所知亦煩惱故第四出現意業疏約體遮詮下釋此段經疏文有三初總釋文意二別叙異釋三會釋歸宗今初心卽是王就王辯體智則是所約所明用體則表詮不逮故但遮詮用則相可昭著故寄表詮然用亦有遮詮同體故無分量故若一向遮則無

由顯妙故寄表詮以辯玄極而言寄者謂寄所顯王
寄用顯體又用及心所皆有遮義今但寄表以顯於
深疏然此一文下第二別叙異釋於中二先標後一
云下別說略有三說不離一宗卽分爲三初二師卽
法相宗二結前生後三敘法性宗就初師中有五一
正明二解妨三反成四引證五重解妨今初言無彼
有漏染心心所而有淨分者唯有八識心王及二十
一心所卽遍行五別境五善十一也疏果位之中解
妨有徵問云若爾則王所俱有何以王上言不可得
故此釋云果位之中識劣故云不可得智強故云智

無量言識劣者以二分中但有淨故不同衆生分別
強故言智強者無惡慧故決斷勝故疏若必無王下
第三反以成立智是心所若無心王智何所依疏故
成唯識下第四引證言是淨無漏界者漏卽垢染既
言無垢識則有識矣又云圓鏡智相應明有心王與
所相應非所獨立是故結云有王明矣疏言轉識下
第五重通妨難謂有難言旣言轉八識成四智明唯
智無識故今釋云智依識轉等言依識轉者識爲主
故智非主故然唯識轉有三師義今金用之此是一
師上智強識劣亦是一師疏一云以無積集思量等

80

90

100

撰述

大藏經卷之三

三

州

義下此義有三初正明二引證三遮救今初以集起名心思量名意分別名識今果位中八不積集種子而起現行七不思量第八爲我而言等者等取前六又不分別諸境所以爾者以皆與四智相應故言無耳非不有彼無集第八無思第七無分別六是故結云非無心體疏故攝論下二引證非心非思義故者明八非積集七非思量等疏亦非非心爲所依止者三遮救也恐有難云若非心義無分別智應依於色故今顯云所依之王非全無體此上總標有也次心種類故下釋成有義謂是心種類安得非心次云以

心爲因下復釋上文心爲種類言此位者即是果位謂以集起等心爲因引得果位淨八識故不可名爲非心也如無表色依表色生故得名色據此亦得名無集起心等疏上之二解俱明心意識有者第二結前生後明結前二是法相宗生後一解是法性宗問二俱是有復有何別答前釋有淨無染後釋有體無用故義不同也然二義相成以無思等故說無染以無染故說非積集思量義等疏一云佛果無實心意等者卽第三師是無相宗及法性宗先正明可知故金光下第二引證論當第三論云此中自性身者卽

撰述

大方廣佛華嚴經疏卷第十一

十四

州分

法身也釋論云唯有真如及真如智獨存名爲法身
 跋上之二宗偏取皆妨下第三會釋歸宗分二先明
 不可偏取二明會成正義前中亦二上二句標後若
 依前義下解釋於中又二先離破後合破前中先明
 法相宗妨跋文分三初奪破次縱破後遮救初中二
 先明違義以不得卽有卽空故成增益後亦不能通
 不可得言下明其違文以文但云心意識俱不可得
 不言染不可得故跋又此淨分此何不說下第二縱
 破縱許淨有染無經何不言有淨分也跋彼無垢識
 而得說耶下第三遮救二句跋文遮其兩救上句恐

彼救云淨相難說故不言之故今遮云彼莊嚴經何
 得說有無漏識耶豈非是淨下句恐彼救云經言叵
 得意在於染故亦遮云經何不言染不可得跋若依
 後義下明法性宗妨於中二先奪後縱前中亦二先
 明違義以空礙有故云損減二亦不能通下明其違
 文文中旣言智無量故知如來心不言知如來智明
 知假智知心心則有矣何得言無跋又心旣是無下
 第二縱破縱汝心無智有亦有二過一違義心王最
 勝尚說爲無智無所依豈當獨立如無君主何有臣
 下二非唯下明其違文言上二論者卽唯識攝論言

80

990

100

撰述

大藏佛書卷之三

五

州

涅槃滅無常則通五蘊故經云憍陳如因滅無常色而獲常色受想行識亦復如是既有常識則有心矣疏若二義雙取下第二合破二宗成四謗故此亦遮救謂有救云上之二宗偏取不可合豈過耶故云合則相違以其定謂有無非卽有之無卽無之有故若爾互泯雙非可乎故答云寧逃戲論以無詮當故疏若爾何以指南下第二會成正義於中有四一徵前起後二今釋此義下雙標二章三今初若後宗言下別解二門四然佛尚不說下謙退總結初二可知三中分二先別會二宗後通會二宗前中卽分爲二先

會法性宗意云心卽是如智卽如智離心無如則知有如已有心矣況卽體之用故稱如智卽用之體卽是真如如明珠珠體卽如明卽如智豈得存如亡於心矣疏前宗以純如下會法相宗意云卽如之有有豈乖如如境卽虛則有心無失疏是知卽真之有下第二通會二宗卽真之有是法相宗卽有之真是法性宗兩不相離方成無礙真佛心矣疏後消經意下第二釋經文於中有三初略明卽雙標遮表二故晉經下引證雙證遮表旣言知心無量則有心矣言無最失疏云何深玄下第三廣釋卽雙釋遮表卽分

80

90

100

110

撰述

大藏傳印經卷第

十一

州

爲二第一釋寄遮顯深第二釋寄表顯深前中四初
 明偏語不能盡理二結性相二門難思三明總具性
 相不可別彰四明不卽不離故難顯說今初略有四
 對一有無者卽別對二宗二染淨卽法相宗三一異
 者通對二宗四情非情亦對二宗初對義者事卽理
 故非有理不失事故非無二染淨對淨約絕相染約
 契性言不斷性惡者惡同以心性爲性若斷性惡則
 斷心性性不可斷亦猶闡提不斷性善三一異對通
 對二宗卽體之相能包卽相之體一味四情非情對
 亦對二宗卽用之體同色卽體之用徹幽言無殊色

性者卽起信論云以知色性卽智性故說名智身以
 知智性卽色相故說名法身遍一切處又梵行品云
 知一切法卽心自性故情非情性曾何異體疏口欲
 辭下二結性相難思疏是知佛心下三總具性相不
 可別彰皆雙融前二宗之法疏心中非有意下四明
 不卽不離故難顯說於中三初約八識心王辯二王
 所對辯三一一結例言非有者是不卽義二相別故
 亦非不有是不離義無二體故又非有者以無二體
 互攝盡故亦非不有者二俱不壞力用交徹故疏言
 寄表下第二釋寄表顯深可知疏然佛尚不說下第

支那

大藏傳印經卷第

十一

州

8012345678990123456789100123456789

撰述

大藏書

卷

州

四謙退結成佛尚不說者卽此經云心意識皆不可得是不說也釋迦掩室於摩竭淨名杜口於毗耶皆佛不說也果海離言唯證相應皆不可說有因緣故者卽四悉檀因緣則得無說之說耳疏合中謂諸乘下疏文有三初正釋文二豈不依心及依理者設難也依心約法相宗依理約法性宗三豈不向言王所無二下釋通此釋依心後良以佛智下釋依理義於中四初正釋二引例三引證四舉況今初卽廻向經云無有智外如爲智所入亦無如外智能證於如今但通上豈不依理難故但引前句謂彼難云上言唯

如如及如如智獨存則智依如矣何言無依故今釋云智外無如故無所依然彼廻向經文自有三意一約如體性空故智外無如智體性空故如外無智二如智一味同一真體安得智外更有如耶三約事事無礙舉一全收今但用初二意以酬難竟後意卽在第四舉況之中疏亦猶淨名法隨於如無所隨故者二引例也卽目連章彼約性相對此約如智相對義非全同義勢相似故云引例言法隨於如者法卽一切一切法卽如故云隨如言無所隨故者經自釋隨如之義由法卽如法外無如故云無所隨故若有

撰述

大智度論卷之三

州

所隨能所未泯豈得隨如又法外有如法非如矣故無所隨方曰隨如此中亦爾若有所依智外有法能所未忘不名如智如外有智智亦不如故得引例疏文殊般若云若無境界則無所依者三引證也文義全同故得引證卽大般若曼殊室利分光明覺品已引今當更引經云若知我性卽知無法若知無法卽無境界若無境界卽無所依若無所依卽無所住釋曰今但要無依之言故但引一對疏況佛智外無法可得下第四舉況謂上引二經但明契理無依心境雙寂卽事理無礙之義已通前難況今約事事無礙

舉一全收卽迴向中第三意也佛智稱真收法界盡差別之事皆隨於理在佛智中況所證如寧在智外此約相入門下句云以一切法卽佛智故者釋上無法可得約相卽門佛智卽一切一切卽佛智也疏卽轉釋前依者謂疏意明初喻爲總含下九喻故下喻中節節指初今以第一喻云虛空爲一切法所依喻佛智爲一切世出世智所依故今釋之云得爲依依彼出故疏雖出諸智佛智不減菩薩成佛佛智不增者如山出雲山亦不減如谷納雲谷亦不增海中板喻卽十行品疏列名中衍英諸公等者疏文有三初

叙昔次此釋亦無大過下會釋上句總明果地具此三道下爲其通釋恐有難云助等是因何將釋果故爲此通三今更一下申今正解於中二先總明後一大圓鏡下別辯然取唯識論以爲疏文心無染著巧方便智寶爲大圓鏡智論云一大圓鏡智相應心品謂此心品離諸分別所緣行相微細難知不忘不愚一切境相性相清淨離諸雜染純淨圓德現種依持能現能生身土智影無間無斷窮未來際如大圓鏡現衆色像釋曰觀上論文自分主客但云不忘者常現前故不愚者不迷暗故餘義可知論云二平等性

智相應心品觀一切法自他有情皆悉平等大慈悲等恒共相應隨諸有情所樂示現受用身土影像差別妙觀察智不共所依無住涅槃之所建立一味相續窮未來際釋曰由昔因中執有我故自他不等今由我無故皆平等言一味者一無漏味餘義可知由涅槃故此識恒共悲智俱行論云三妙觀察智相應心品謂此心品觀察諸法自相共相無礙而轉攝觀無量總持定門及所發生功德珍寶於大衆會能現無邊作用差別皆得自在兩大法雨斷一切疑令諸有情皆獲利樂釋曰攝謂攝藏觀謂觀察功德珍寶

撰述

卷之三

三

州元

卽六度道品等論云四成所作智相應心品謂此心品爲欲利樂諸有情故普於十方示現種種變化三業成本願力所應作事釋曰四智廣義初會已明今以疏有故復重引令知主客疏同法華髻中明珠下七喻之中此當第六如安樂行品明一乘圓智居佛心頂以權覆實如在髻中開權爲解前亦已引疏然約下智不及下釋上密義故法華云我以無數方便種種因緣譬喻言詞演說諸法是法非思量分別之所能解唯有諸佛乃能知之所以者何諸佛世尊唯以一大事因緣故出現於世釋曰種種說法皆爲一

乘衆生不知故云祕密故涅槃下引證亦如前引疏體勝用深下疏文有二先釋經後解妨今初言純淨圓德現種依持者純卽無雜淨卽離染圓者滿義現行功德之依種子功德之持自性明善名爲清淨有漏永亡云離諸雜染餘如前釋疏今以四智圓融下二解妨妨云何以將法相宗釋法性義故爲此通謂彼四智迢然不同今一具四豈得同耶先將四寶以況四智此卽別義於一寶上復具四德卽圓融義況四圓融十中之一豈得言同欲顯包融故用釋之疏第五珠消海水喻蹠前以釋疏文分二先明智斷不

同後又前下橫豎分別一佛果中具有四智名橫菩薩歷位具有四智名豎言皆是釋上爲依之義者卽虛空無依爲依喻中之一義也疏起世婆沙等說者起世卽經婆沙卽論皆同俱舍俱舍云此下過二萬無間深廣同上七捺落迦八增皆十六等是也疏俗與云沃燋石者山海經說尾盧壑又云注下亦如彼說莊子秋水篇亦明已見廻向品疏別顯用相下疏文分三初叙昔二辯順違三申正義今初卽靈辯法師此三昧名卽唯識第九論云一大乘光明定謂此能發照了大乘理教行果智光明故二集福德王定

謂此自在集無邊福如王勢力無等雙故三賢守定謂此能守世出世間賢善法故四健行^平定謂佛菩薩大健有情之所行故攝論第八意亦同此首楞嚴者是梁論名卽健行義然是梵言此云一切事畢竟又英法師云初定空智除不善障二除著禪障三除煩惱障四除所知障賢首云初能除流散雜染業二能除味定著靜障三能除根本無明障四能除盡成果智障與前大同疏此釋配定可爾下第二辯順違可知疏今更一解下三申今正義於中有一先總後別今初所成卽是四定者如唯識論定爲能發智爲

所發四智卽是所成今明佛具四智令諸菩薩能具四定故智爲能成定爲所成豎配之相下別當具疏謂一佛以卽事而真智下第二別釋一一智中文皆有三初舉能成智二治於下治所破病三令得下顯所成德文金可知疏肇公亦云下卽涅槃無名論第七妙存中文然則玄道存乎妙悟妙悟在於卽真卽真則有無齊觀有無齊觀則彼已莫二所以天地與我同根萬物與我一體同我則非復有無異我則爭於會通所以不出不在而道存乎其間矣何則涅槃夫至人虛心冥照理無不統懷六合於胷中而靈鑑

有餘鏡萬有於方寸而其神常虛等今但引兩對足顯經意疏四戒定息熟者此唯定下合別顯用相中有淨戒頭陁疏文多影略者爲分能所成故能成者卽如來悲等所成卽菩薩悲等如在佛爲方便在菩薩爲深心在佛禪定爲葉在菩薩淨戒頭陁爲葉在佛卽是菩提爲果在菩薩卽無生忍等疏是知現惡明無則無惡必有者卽生公意生公忍死待得大經以證大義如何至今猶不信耶廣如玄中今當重釋言現惡明無者正作闡提撥無因果故無無惡必有者由撥因果之惡故無今無此惡是則有矣故應問

撰述

卷之三

三

州

言頗有新作一闡提不復有闡提後生信不若有新作未作之時有佛性不若未作時有作時無者佛性可斷若先無者則不由於闡提無也本自無故後生信心亦復如是若有佛性佛性是可生之法前則本有今無此則本無今有若發信心亦無性者此亦不干闡提故無故知但是約於長時未成果善抑言無耳謂抑令恐怖使發大心未作闡提令其莫作故皆誘物何定言無疏故涅槃下引證此引二經先引涅槃自有二文唯證闡提有性成上不捨邪見水輪初意卽第九經玄中已引今復略明經云彼一闡提雖

有佛性而爲無量罪垢所纏不能得見如蚕處繭則有而非無三十五經云斷善根人以現在世煩惱因緣能斷善根未來佛性力因緣故還生善根亦有文也復云若能發心非闡提者卽二十六經高貴德王菩薩品經云善男子一闡提輩若遇善友諸佛菩薩聞說深法及以不遇俱不得離一闡提心何以故斷善根故一闡提輩亦得阿耨多羅三藐三菩提所以者何若能發於菩提之心則不名爲一闡提也卽其文矣疏法華下二引法華亦有二文以證定性二乘皆成佛義一卽法師品藥王汝當知如是諸人等

接述

大方廣佛華嚴經卷第廿二

三

卅九

不聞法華經去佛智甚遠若聞是深經決了聲聞法
是諸經之王聞已諦思惟當知此人等近於佛智慧
釋曰既言決了聲聞法明昔淨名等經聲聞如根敗
之士其於五欲不復能利及如燋穀芽佛名經說如
燋穀芽雖逢春陽無希秋實及深密等說於定性不
得成佛三乘聖人心皆猶預今皆作佛故云決了第
一經云菩薩聞是法疑網皆以除千二百羅漢悉亦
當作佛故云決了復恐人云千二百外定性聲聞卽
不作佛也故引次文卽五百弟子授記品初千二百
悉皆求記如來先授陳如作佛次授五百末後偈云

其五百比丘次第當作佛同號曰普明轉次而授記
我滅度之後其甲當作佛其所化世間亦如我今日
國土之嚴淨及諸神通力菩薩聲聞衆正法及像法
壽命劫多少皆如上所說迦葉汝已知五百自在者
餘諸聲聞衆亦當復如是其不在此會汝當爲宣說
釋曰據此非唯列千二百則靈山之會萬一千人五千
拂席增上慢者應是聲聞不廁靈山法華勝會者
令此會中聲聞菩薩轉爲授記餘如玄中疏有引向
來所據下卽舉邪顯正謂法相師以水輪中證有無
性地獄深坑證有定性趣寂二乘不觀已下破其妄

80

90

1

2 3 4 5 6 7 8 9

撰述

大方廣佛華嚴經卷第十八

三

州

引疏有三節初指經中却收之義一引第十等有喻意三減損佛性下以理結勸謂唐三藏創自西廻薦福寺有一人大德不肯修敬後因見日照三藏遠涉流沙廣取經論誠曰劬勞然減損佛性增足煩惱未知與聖意相應不言減損佛性者以五性之中唯一性半有佛性耳謂菩薩性及不定性之半以不定性容有無故餘三性半一向言無謂一無種性人二定性聲聞三定性緣覺言一半者卽不定性中或無是也言恐謗一乘者以罪怖之然法華經特稱妙者以佛昔說三乘五性今法華云一乘一性謂一切衆生

有如來知見更無餘性故惟一乘涅槃云佛性者名爲一乘以凡是有心定當作佛故唯一乘法華又云唯此一事實餘二則非真終不以小乘濟度於衆生又第四云平等大慧又彼疏自立一乘爲宗及其立義定有五性却以一乘而爲方便此豈不是謗一乘耶謗一乘罪法華具明事不可輕如增上慢不信不輕皆作佛言卽爲謗耳疏廣明留惑潤生具如前章者卽義理分齊別有一門第十喻法說中三初略消經文二以上言潛流下對前辯異三此有三意下別解文首文三初順釋二釋疑三及以理成初中亦三

撰述

大藏經

卷二十一

州

一明生等有因二明因有果智三自他交徹今初先正立後則知無性下反成上義卽涅槃經云除牆壁瓦石皆有佛性故無佛性則非衆生凡是有心定當作佛則無一不有以一切人皆有心故故知作佛言無佛性則無心也無心寧異瓦礫此是涅槃一性之宗故云已過五性疏二者衆生在纏之因等者二明因有果智揀勝初義但有佛性於中三初正立二正揀三結勸今初謂遠公等釋涅槃經言因性本有果性當成今因有佛智佛智非因故超前也所以有者因果二性無二體故若因無果性果是新生便有始

故新生有始佛性非常住故疏非但有性後方當成者第二正揀前義於中二一揀因果不同謂前義意如木有火性鑽方生火乳有酪性緣具成酪今此中意果尚本有況於因性況當有耶疏亦非理先智後者二揀理智兩別若唯理性爲先有者則第一義空不名智慧理智異故無漏智性本自有之不應理故大智光明非本有故智後生者果無常故能證所證成二體故疏是知涅槃下第三結會勸信謂涅槃終極之說會昔有餘四十九年多說三乘五性之教機習已久難可頓移且說有心皆有佛性一經前後縱

801234567899012345678990123456789

奪合離而其明言凡是有心定當作佛疏後學尚謂
談有藏無者卽大乘法師法華疏意彼意涅槃經言
一切衆生皆有佛性總談皆有欲獎衆生實而明之
亦有無者藏在一切總有之中言通別類異者通相
皆有別據有無有無不同不應一類疏況聞等有果
智誰當信者卽舉今宗結成難信勸令信耳疏三彼
因中之果智下第三自他交徹謂諸凡夫因中果智
卽他諸佛已成果智自身佛性一身堅論他佛智在
凡自他橫辯故更玄也疏不爾此說衆生下以理成
立自他平等謂此章中舉其十喻以辯佛智忽引衆

生有佛智者何名爲說諸佛心耶明知是說衆生心
爲佛矣斯則玄下結歎歸宗疏如壯士迷於額珠豈
謂膚中無寶者卽涅槃第八如來性品北經第七佛
告迦葉善男子譬如王家有大力士其人眉間有金
剛珠與餘力士掩力相撲而彼力士以頭抵觸其額
上珠尋沒膚中都不覺知是珠所在其處有瘡卽命
良醫欲自療治時有明醫善知方藥卽知是瘡因珠
入體是珠入皮卽便停住是時良醫尋問力士汝額
上珠爲何所在力士驚答大師醫王我額上珠乃無
去耶是珠今者爲何所在將非幻化憂愁啼哭是時

經述

大方廣佛華嚴經卷之三

七

州六

良醫慰喻力士汝今不應生大愁惱汝因鬪時寶珠入體今在皮裏影現於外汝當鬪時嗔恚毒盛珠陷入體故不自知是時力士不信醫言若在皮裏膿血不淨何緣不出若在筋裏不應可見汝今云何欺誑於我時醫執鏡以照其面珠在鏡中明了顯現方士見已心懷驚恠生奇特想上具引經文下合文廣以意引之謂以良醫喻之善友煩惱爲皮膚佛性爲寶珠不知爲失惑盡乃得證知了了如彼力士於明鏡中見其寶珠薦福解云貧女金藏通喻凡夫不知佛性此喻菩薩二乘觀心之首隱其佛性已發三乘心

名爲王家以未入佛家故有觀心力名爲方上中道佛性之珠在其心間與倒競力觀於俗境名爲相競觀心取境名頭抵觸取相隱理名尋沒膚中以相求理不能得見名不知所在取相見空名之爲瘡訪友爲命醫佛爲良醫知佛性珠取其空相名知是瘡因珠入體定得之性在上相內名珠入皮即便停住是時良醫下問性所在相覆真性故力士不知所在先因發心將非虛說名將非幻化恐無性流轉名憂愁啼哭次佛慰云言性不失汝之妄競性隱無我名珠入體在於皮裏因本有理有理性相名影現於外汝

[撰述]

大藏傳書卷之三

卷之三

州

觀空等時其心猛利如嗔恚盛因斯陷入故不自知此上有性不見喻二乘是時力士下拒教不信喻若在皮裏膿血等者謂在凡夫苦等相中有漏不淨性淨應出何緣不見若筋等者若是真理真理無相不應可見汝今云何下正明不信經是時良醫下依教見性喻珠在鏡中明了顯現者定得之性惟大涅槃理教能顯如鏡照面了了分明力士見已者衆生則聞見十住則目見餘可知疏如貧得珠非今授與者卽法華第四五百弟子授記品說繫珠喻領解得記經云譬如有人至親友家醉酒而臥是時親友官事

當行以無價寶珠繫其衣裏與之而去其人醉臥都不覺知起已遊行到於他國爲衣食故勤力求索甚大艱難若少有所得便以爲足於後親友會遇見之而作是言咄哉丈夫何爲衣食乃至如是我昔欲令汝得安樂五欲自恣於某年月日以無價寶珠繫汝衣裏今故現在而汝不知勤苦憂惱以求自活甚爲癡也汝今可以此寶貿易所須常可如意無所乏短下合可知然繫有二約結緣則圓解爲珠爲說爲繫煩惱昏醉少有微解故曰繫珠五道求樂爲勤力艱難證小涅槃不求大果云得少爲足後聞法華爲

會遇親友示以知見如得衣珠以因易果無樂不得
昔已繫之故云非今授與二約無性然其昔繫亦非
新與未知令知故云繫耳則不全同喻今疏取無性
繫珠以成本有故云非今授與疏是以涅槃恐不修
行下以涅槃經結成上義執著過輕乍可言有妄語
過重不可言無況無著而知決須有矣

大方廣佛華嚴經隨疏演義鈔卷第七十九

音釋

鎔

餘封切
銷鎔也

沃燋

沃烏陪切
燋茲消切

捨

訖岳切
捨也

撲

脣角切
撲踣也

療

大江黃沙灘公堂貲糧刻此
大方廣佛華嚴經隨疏演義鈔卷第七十九
計字一萬二千零三十個
五釐 龍山釋海瓊對 該銀六兩零一分
崇禎四年孟秋月徑山化城寺識

模述

大方廣佛華嚴經隨疏演義鈔卷第八十

三

州九

大方廣佛華嚴經隨疏演義鈔卷第八十

唐清涼山大華嚴寺沙門 澄觀述

疏始本無二絕二礙者此有二意一則衆生本有佛智是則本覺不礙始覺如是而證名無礙智二者斷障顯了則無煩惱所知二礙疏合出經益物等者疏文有二先正釋文後然如來藏經等下引例釋者言九喻者如來藏經具有九喻一二不同餘經或有一二三四多少不定故致等言言如來藏經者卽如來在王舍城耆闍崛山成佛十年後方說之與大比丘百千人菩薩六十恒河沙云云爾時世尊於栴檀重

捲述

大方廣佛華嚴經卷第十一

一

別

十一

閣正坐三昧而現神變有千葉蓮華大如車輪其數無量色香具足而未開敷一切華內皆有化佛上昇虛空彌覆世界猶如寶帳一一蓮華放無量光一切蓮華同時舒榮佛神力故須臾之間皆悉委變其諸華內一切化佛結跏趺坐各放無數百千光明於時此刹莊嚴殊特一切大衆歡喜踊躍云金剛慧菩薩問佛下爲答云我以佛眼觀一切衆生貪欲恚癡諸煩惱中有如來智如來眼如來身結跏趺坐儼然不動善男子一切衆生雖在諸趣煩惱身中有如來藏常無染汚德相備足如我無異又善男子一譬如天

眼之人觀未敷華見諸華內有如來身結跏趺坐除其萎華便得顯現如是善男子佛見衆生如來藏已欲令開敷爲說經法滅除煩惱顯現佛性善男子諸佛法爾若佛出世若不出世一切衆生如來之藏常住不變但彼衆生煩惱覆故如來出世廣爲說法除滅塵勞成一切智云每喻之後皆有偈文二復次善男子譬如淳蜜在巖樹中無數羣蜂圍遶守護時有一人巧智方便先除彼蜂乃取其蜜隨意食用惠及近遠下取意合蜜喻如來藏蜂喻煩惱人喻如來除蜂喻說法除煩惱三復次善男子譬如粳糧未離皮

檜貧愚輕賤謂爲可棄除蕩既精當爲御用合云糠
喻煩惱米喻如來知見說法除煩惱淨一切智於諸
世間爲最正覺四復次善男子譬如真金墮不淨處
隱沒不現經歷年載真金不壞而莫能知有天眼者
語衆人言此不淨中有真金寶汝可出之隨意受用
法合例知五復次善男子譬如貧家有珍寶藏珍寶
藏不能言我在於此旣不自知又無語者不能開發
此珍寶藏一切衆生亦復如是如來知見方無所畏
大法寶藏在其身內不聞不知耽惑五欲流轉生死
受苦無量是故諸佛出興于世爲開身內如來法藏

無礙辯才爲大施主六復次善男子譬如菴羅果內
實不壞種之於地成大樹王善男子我以佛眼觀諸
衆生如來寶藏在無明殼內猶如果種在於核內善
男子彼如來藏清淨無極大智慧聚妙寂泥洹名爲
如來應正等覺七復次善男子譬如有人持真金像
行詣他國經遊險路懼遭劫奪裹以弊物令無識者
此人於道忽便命終於是金像棄捐曠野行人躡跡
咸謂不淨得天眼者見弊物中有真金像卽爲出之
一切禮敬合有如來微妙寶藏八復次善男子譬如
女人貧賤醜陋衆人所惡而懷貴子當爲聖王王四

80

90

100

天下此人不知經歷時節常作下劣生賤子想合有
如來寶藏九復次善男子譬如鑄師鑄真金像既鑄
成已倒置于地外現燋黑內像不變開模出像金色
晃曜合云有如來身衆相具足下校量功德受持此
經供養過去恒河沙現在諸佛造恒河沙七寶臺高
十由旬日日如是乃至十五恒河沙七寶臺供養恒
河沙如來不如有人喜樂菩提受持此經乃至筭數
譬喻所不能及上之九喻初蓮華有佛喻與青蓮在
泥喻大同小異其金墮不淨處與摩尼墮深廁中大
同彼闕此如金在於鑛如蜜在山中餘多大同而不

次第者此取圓意略舉十耳山中有蜜又與塵中佛
性小異故略無之又此引爲順圓融自凡至聖具含
諸義故亂引之若依佛性論具釋九喻雖不引如來
藏經而與此經喻次全同各別有意廣如佛性論別
鈔中已引言餘經或有一二三等者涅槃勝鬘等經
皆說不能具引金鑛之喻涅槃第十有文云復次善
男子譬如金鑛淘煉滓穢然後銷鎔成金之後價直
無量善男子聲聞緣覺菩薩亦爾皆得成就同一佛
性何以故除煩惱故如彼金鑛除諸滓穢以是義故
一切衆生同一佛性無有差別以其先聞如來蜜藏

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

後成佛時自然得知如彼長者知乳一相何以故以
斷無量煩惱故釋曰以是長者多牛犢乳一色喻復
轉以顯故第五經中有雪山甘藥喻全同淳蜜在巖
喻餘有多喻不能具引大價摩尼垢衣所纏者卽楞
伽第二疏當第五經云爾時大慧菩薩摩訶薩白佛
言世尊世尊修多羅說如來藏自性清淨轉三十二
相入於一切衆生身中如大價寶垢衣所纏如來之
藏常住不變亦復如是而陰界入垢衣所纏貪欲恚
癡不實妄想塵勞所汚一切諸佛演說釋曰此中大
慧引昔之說下難向外道說我佛下答不同外道故

但是虛妄無有真實如來說如來藏有時說空無相
無願如實際法性法身涅槃自性不生不滅本來寂
靜自性涅槃如是等句說如來藏等餘經所有可略
言也疏總結上來十喻等者疏文有二先結上十門
以成未盡疏故應更以下正釋經文由經云以如是
等無量相知如是指前等卽等後更明別義此結有
四一無量二無礙三不可思四廣大並遍上十及所
不說第五出現境界疏正顯分齊下疏文有三初出
體二依初義下對前二義以辯來意三由所緣下融
上二義疏後正顯所緣下分二先隨文釋後若約二

撰述

大方廣佛華嚴經疏卷之二

五

諦下義門料揀第六出現之行前明分齊下文有二
先彰來意後雖智海下通妨謂有問言行在因中今
果滿何有釋云行雖無量總不出二謂智與悲智行
已圓自利滿故而運卽智之悲利他不息若爾何以
下文說真如行答此卽果之行將說悲智無礙之行
故說真如行之本耳疏真如之名言舍法喻者經云
如真如前際不生等卽以真如喻佛行也若佛行契
如行卽是如故卽是法疏過未非緣者過去緣已謝
未來緣未會故曰非緣由非緣故過去無可生未來
無可動現在雖在緣中不與緣合故云離緣故廻向

中明遍在三世不同三世遍在一切而非一切故緣
雖起而湛然無起疏若謂無量卽是量故者離量有
無量故故楞伽云無心量之心量我說爲心量謂以
無心量而爲是者而還是心量耳故心彌虛下上句
明無量不礙量終曰行句明量卽無量但涅槃云下
引證卽第十一經遠公有二釋一云辯行所依謂如
來先成之德修習趣入亦可五行是其教行顯性成
行是如來行顯如來性以成行故意云此一卽是證
行證性而成行故第七出現菩提疏圓行之果下明
來意有二上約真菩提辯來意對緣造修下約應苦

撰述

大方廣佛華嚴經疏卷之二

六

卅

提以辯來意疏二明體等者此引二論二互相成攝論第九智論第三二智卽根本後得二斷卽斷煩惱所知此經圓宗故通一切下云得一切法量等三輪自他平等因果交徹如是等義故通一切疏三辯種類中二先正辯後料揀今初者言夫如者不一不異者卽彌勒章下當辯意涅槃云下智觀等六地已引疏或分爲五如大品等者智論五十八云一發心菩提無量生死中發阿耨多羅三藐三菩提心故名菩提因中說果二伏心菩提斷諸煩惱降伏其心行諸波羅蜜三明心菩提觀三世諸佛法本末總別相分別得諸法實相謂般若波羅蜜四出到菩提於涅槃中得方便力故不著若滅一切煩惱見一切佛得無生法忍出三界到薩婆若五無上菩提坐道場斷習氣得阿耨多羅三藐三菩提疏或具十如離世間品者卽五十九經十種成如來力爲十菩提經云佛子菩薩摩訶薩有十種成如來力何等爲十所謂一超過一切衆魔煩惱業故成如來力二具足一切菩薩行遊戲一切菩薩三昧門故成如來力三具足一切菩薩廣大禪定故四圓滿一切自淨助道法故五得一切法智慧光明善思惟分別故六其身周遍一切

撰述

大藏經卷之二

七

州十

世界故七所出言音悉與一切衆生心等故人能以
神力加持一切故九與三世諸佛身語意業等無有
異於一念中了三世法故十得善覺智三昧具如來
十力所謂是處非處智力乃至漏盡智力故成如來
力是爲十若諸菩薩具此十力則名如來應正等覺
句句皆有成如來力言此十菩提多同今經疏唯十
爲圓下第二料揀先示別敎後三除前二下約同敎
門揀而收之疏四明業用等者以下科經有其十門
兼體相用今唯辯用有其十耳不出下文疏離諸緣
者有觀則有緣無緣則絕觀如海下釋文以成上義

非無所了下成上觀極於無觀義謂觀智之極謂之
無觀無彼分別取相之觀非無甚深無分別觀故引
晉經解一切義合明二經應云解一切義無所觀察
若改爲解義則圓足譯經之人見下文有知衆生心
故此但明無觀之義疏旣觀念斯寂下上明成智卽
無分別智今明斷障卽斷煩惱疏無觀是體下結成
具三無觀是體者無念體也照智是上無分別智斷
卽是向無惑習種合爲相者謂寂照無二爲菩提相
猶如明鏡無心爲體鑑照爲用合爲其相亦卽禪宗
卽體之用自知卽用之體恒寂知寂不二爲心之相

標題

卷之十一

八

州十

也疏二等同萬法者釋經於法平等無有疑惑即是下文三輪平等疏上二已攝攝論體者初是實智斷煩惱障二是權智斷所知障故二句中已具二智二斷體也疏三成一切成者釋經無二即是下文因果交徹於中有二明生佛不二卽一成一切成故下釋云如來成正覺時於其身中普見一切衆生成正覺等暗引淨名一切衆生卽菩提相卽菩提相干何不成二明能所不二卽下釋中皆同一性又引淨名不二是菩提離意法故法卽是所意卽是能良以心境同一性故生佛亦然此引淨名皆彌勒章疏四

總指前三體相寂滅者釋經無相卽是下文體離虧盈下釋云成與不成常無增減菩提非相非非相故由寂滅故無有虧盈寂滅卽是無相義也故引淨名云滅諸相故釋於寂滅疏五卽心行處滅者釋經無行卽是下文相無增減故云湛然不遷耳釋云若無有相則無增減疏六雖覺而常定者釋經無止以不住定故卽是下文用該動寂下釋云住善覺智三昧而現多身由不住止故能動用疏七有二義等者釋經無量卽是下文周于法界此中有二下釋亦二明一毛含於多佛周遍法界卽是此中初義二云如

撰述

大方廣佛寶經卷第十五

大

州

來成正覺身究竟無生滅故卽第二義疏八亦二義等者釋經無際卽是下文普遍諸心下釋亦二一云菩薩應知自心念念常有佛成正覺卽此豎無際畔二下釋云何以故諸佛如來不離此心成正覺故卽第二意念念應即是化身一得永常卽是報身心無初相下契同法界身然此一句卽起信論論云菩薩地盡覺心初起心無初相以其遠離微細念故得見心性心卽常住名究竟覺下云不離此心卽冥符理義然覺心初起心無初相自有二意一者覺是能覺心是所覺心是初相卽業相是微細念最初迷真不

覺心動今無此相故二者覺心合明謂正覺心起無能起相故與理冥若有起相不合理故正此取意故云心無初相冥符於理義兼於前以無細念故無覺相由依法相化身有始有終報身有始無終法身無始無終今符於理報亦無始故云始覺同本覺無復始本之異名究竟覺故云無前際故則無始也無終同於上句無後際耳法報既融卽體之應念念無斷三身融矣疏九離邊契中下釋經遠離二邊住於中道卽是下文普遍諸心下釋云廣大周遍無處不有不離不斷無有休息入不思議方便法門疏文有二

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

大方廣佛華嚴經疏解卷第十一

十一

州十

先釋離邊後釋住中今初經云離邊未知何是故舉晉經及取下釋略舉四種以等一切染淨約惑縛脫通惑業有無通事理一異約心境何以有此謂成菩提既離細念妄惑盡矣顯現法身智慧純淨若爲此見未免是邊故上經云若有見正覺解脫離諸漏不著一切世彼非證道眼今了於惑體性本空後無所淨故離二邊又染淨交徹故無住著是曰離邊縛脫者謂昔常被惑業繫縛流轉無窮今得菩提釋然解脫若爲此見即是住邊菩提智了本自無縛於何有解無縛無解則無樂狀故得離耳有無上言通事理

者若昔謂惑有今了惑空昔謂心空今知妙有又真樂本有失而不知妄苦本空得而不覺今日始知空者妄苦有者涅槃若如是知並未離邊又煩惱業苦本有今無菩提佛身本無今有等皆三世有法菩提之性不屬三世故三世有無皆是邊攝真智契理絕於三世故離有無之二邊等一異有二一者心境不了則二契合則一亦成於邊二者生佛有異今了一性亦名爲邊今正覺了此中無有二無二亦復無大智善見者如理巧安住故離此邊而言等者謂斷常來去生滅依正離是二法皆稱爲邊又二與不二亦

撰述

大方廣佛華嚴經疏解卷第十一

十一

州十

名爲邊今一契菩提一切都寂故云遠離蹠不偏住著等下釋住於中道然通妨難生下契中謂有難言若離於邊未免於邊有取捨故釋云不偏住著名曰離邊非見有邊而可離也謂不偏住染染性空故性卽淨故不偏住淨若無染則無淨故淨相離故同染性故染淨交徹安可住耶智契此理故曰離邊故言非見有邊邊卽中故復有難云有邊卽有中邊旣卽中則無邊矣旣無有邊對何說中故次答云無邊無中方住中道此有二意一順上答謂誠如所言無邊無中故曰中道若有中邊非真中也二者反上答

謂中道有二一者相待則離邊住中二者絕相卽邊而中相待而空則有邊中無邊無中爲真中矣故相待絕待尚是相待得意亡言言不盡矣歷上染淨等一一皆然蹠十總顯離言釋經出過一切文字言說卽是下文體相甚深斯則上九寄言顯深今菩提離言顯深蹠無所現有三義者一無心現約止二所現空約觀三無別體約止觀契合又一約心二約境三心境兩冥又一約智二約理三理智冥契就第三義中蹠先正釋後自體顯現故名爲覺者通妨謂有難言若無別體何能普現衆生心行故答云自體顯現

如珠有光自照珠體珠體喻心光喻於智心之體性
 卽諸法性照諸法時是自照耳故引起信文甚分明
 然論問曰虛空無邊故世界無邊世界無邊故衆生
 無邊衆生無邊故心行差別亦復無邊如是境界不
 可分家難知難解若無明斷無有心想云何能了名
 一切種智答曰一切境界本來一心離於想念以諸
 衆生妄見境界故心有分齊以妄起想念不稱法性
 故不能決了諸佛如來離於見想無所不遍心真實
 故卽是諸法之性自體顯照一切妄法有大智用無
 量方便隨諸衆生所應得解皆能開示種種法義是

故得名一切種智釋曰疏但引中間以證自體顯照
 前後可知故不廣引疏意輪等故何所疑哉緣上標
 章云於法平等無有疑惑故疏今初有十三身下疏
 文有三初略釋文二皆言量下別釋量字三是以聖
 人下結成玄旨卽肇公涅槃無名論通古中文出前
 窮源中云非衆生無以御三乘非三乘無以成涅槃
 然必先有衆生後有涅槃是則涅槃有始有始必有
 終而經云涅槃無始無終湛若虛空則涅槃先有非
 復學而後成者也釋曰此文以修得難今涅槃有始
 終義以涅槃無始終難其修得故通古答云無行名

一 摂述

大藏經書寫本經卷第

三

州

涅槃至人空洞無像而物無非我造會萬物以成已者其唯聖人乎何則非理不聖非聖不理而爲聖者聖不異理也故天帝曰般若當於何求善吉曰般若不可於色中求亦不可離色中求又曰見緣起爲見法見法爲見佛斯則物我不異之効也所以至人戢玄機於未兆藏冥運於卽化總六合以鏡心一去來以成體古今通始終同窮本極末莫之與二浩然太均乃曰涅槃釋曰彼雖明涅槃亦以能證所證契合故物我一體今雖約菩提亦取能所一體故得用其文耳疏今初八相之中下疏文有四初略消經文

一一會淨名三對前揀異四廣徵釋疏此文正同下第二會淨名於中三初正顯同二出彼經意三正會釋今初卽菩薩品彌勒爲兜率天子說不退轉地之行淨名難云爲從如生得授記耶爲從如滅得授記耶若以如生得授記者如無有生若以如滅得授記者如無有滅一切衆生皆如也一切法亦如也衆聖賢亦如也至於彌勒亦如也若彌勒得授記者一切衆生亦應授記所以者何夫如者不二不異若彌勒得阿耨多羅三藐三菩提者一切衆生皆亦應得所以者何一切衆生卽菩提相若彌勒得滅度者一切衆

撰述

大方廣佛華嚴經疏卷第十一

十四

州十

生亦當滅度所以者何諸佛知一切衆生畢竟寂滅
 卽涅槃相不復更滅釋曰今正釋成正覺義故但引
 菩提若據經文云乃至入涅槃則亦有亦當滅度之
 義故今具引耳疏彌勒示迷此旨下第二出彼經意
 既爲補處何理不窮寄於受屈以悟時聽耳言但謂
 理詰之言者即是迷相然迷有二意一約彌勒受難
 云一切同如而我獨得授記誠乖理也故云理詰之
 言二者彌勒不受難云理雖一如行滿得記何得以
 理而難事耶故云理詰疏不知真得菩提實如所詰
 者三正會釋淨名非曰妄詰真實菩提誠乃一得一

切得耳則受難不受難俱迷此理若顯不迷應對淨
 名實如所言我已見生得記作佛入涅槃竟疏又前
 章下三對前揀異則前是普偏此是廣容言一性平
 等反覆相成者前章明平等此章明一性故下釋中
 皆同一性由平等故唯是一性由一性故何不等耶
 故云相成疏此中之成下第四廣徵釋先徵後此是
 華嚴大節下釋於中二先標示後然諸衆生下別釋
 即五教意兼人天爲六初人天乘二小乘下二乘三
 大乘下始教四或說唯如來藏下終教五更有下頓
 教六若依此宗下圓教於中四一正釋二解妨三結

接述

大方廣佛華嚴經卷第十一

十一

十一

例四重釋疏若爾下二解妨於中五一申難二若就衆生下解釋此中意云以理融通不可作理事別解三若爾下以能難所佛既了達何用化耶四不如是知下釋化之由五如是化下結成真化言無不化時卽常化也故引相續正成常恒疏隨門不同種種有異下第三結例卽類結餘門門雖有多且略分四一約性卽一真法界二約相卽無盡事法三約性相交徹顯此二門不卽不離四以性融相德用重重初約性門者問體是佛不答是若無礙應成四句一是佛法性身無所不至故經云性空卽是佛故二非佛絕

能所覺爲其性平等一真法界非佛非衆生故三亦佛亦非佛以法性身無自性故四雙非性與無性雙泯絕故經云無中無有二無二亦復無三世一切空是則諸佛見二就相門乃有二義一情二非情真心隨緣變能所故然此二門各分染淨謂無明熏真如成染緣起真如熏無明成淨緣起染成萬類淨至成佛以修淨緣斷彼染緣方得成佛依此二義則生佛不同於淨緣中復有因果因有純雜果有依正若約純門隨一菩薩盡未來際唯修一行一一皆然若約雜門萬行齊修盡未來際若約因門盡未來際常是

撰述

大方廣佛彌彌陀經疏卷之二

三

州十

菩薩若約果門盡未來際常是如來經云爲衆生故
念念新新成等正覺若雙辯二門盡未來際修因得
果若約雙非盡未來際非因非果便同真性前之二
門雙具悲智雙融心境第三性相交徹門中曲有四
門一以性隨相同第二門二會相歸性同第一門三
雙存無礙具上二門依此則悲智雙運性相齊驅寂
照雙流成大自在四互奪雙亡則性相俱絕沒同果
海無成不成第四以性融相門相雖萬差無不卽性
性德包含全在相中以性融相相如於性令上諸門
皆無障礙因果交徹純雜相融事事相參重重無盡

今就性門四句之內是卽佛門不取餘三就相門中
約有情門是淨非染是果非因是一分義非此所用
就交徹門佛則性相雙融生則會相歸性今經正約
第四以性融相一成一切皆成謂以佛之淨性融生
之染以佛一性融生之多令多染生隨一真性皆如
於佛已成佛竟非唯有情會萬類相融爲佛體無不
皆成故肇公云會萬物而成己者其唯聖人乎又云
故至人空洞無像物無非我以佛之性融於物性同
佛皆成以物之性融佛之相故令三業等於萬類卽
今經意而非餘門故云隨門不同今是成佛門也頓

撰述

大藏經卷第十一

十一

州

十一

教多同約性四門終教卽同性相交徹始教有二一
 者幻有卽空同會相歸性但唯心現多同第二小乘
 人天皆同相門由此有云無情成佛是約性相相融
 以情之性融無情相以無情相隨性融同有情之性
 故說無情有成佛義若以無情不成佛義融情之相
 亦得說言諸衆生不成佛也以成與不成情與無情
 無二性故法界無限故佛體普周故色空無二故法
 無定性故十身圓融故緣起相由故生界無盡故因
 果周徧故遠離斷常故萬法虛融故故說一成一切
 成也非謂無情亦有覺性同情成佛若許成佛此成

則能修因無情變情情變無情便同邪見餘義具如
 前後廣說疏又此衆生乃是像上之模者四重釋此
 是一義前同佛心塵中經卷下同第十普徧諸心以
 見自成卽見他成同下自心念念常有佛成正覺疏
 二釋中先總釋等者此有三意一云同一無性故得
 現成者謂既無二性佛證一性得成佛故生隨一性
 皆成佛矣二云妄性本虛生元是佛者生自有妄見
 生非佛佛了妄虛生何非佛三真性叵得非今始成
 成佛本是佛佛之本佛何異生佛是故一成一切皆

成亦可說言若一不成一切不成同一性故今是成
佛門故故一切皆成佛也疏後釋所無有十二句下
疏文有二先消文後成對前中言非獨妄空真有等
者揀宗顯別妄空真有法相宗說徧計是空圓成是
有故涅槃經說生死是空涅槃不空三論中云妄說
爲有真諦空故今十二句生即是妄佛即是真真妄
俱非不應偏說疏以性融相法界圓現者示其正理
生佛真妄皆是相異融同真界故說一成一切皆成
是以結云由此無性說成正覺若有取成非真覺故
是故文云亦復無有成正覺性疏又攝十二下二成

對也一能相所相對者相爲所相盡卽能相所相法
體卽是有爲不出染淨言相待有故者釋成無義染
待淨有故無染相淨待染有故無淨相是故經云無
相性也言無盡性者盡卽能相生滅染淨全是有爲
然生滅四相略有二種一剎那盡云念念滅以緣滅
故顯無滅性二一期滅如煩惱性盡以性空門顯無
滅義二生滅對凡則緣生故本不生性淨涅槃本來
寂滅故不更滅此對皆淨名意前約滅惑此約滅苦
由滅惑苦則菩提生故今遣之言約佛菩提非始生
者性淨菩提非始修得何有滅耶三我非我對以緣

破我以我遣非我言我尚不可得則非我何可得卽不二法門諸法實相中下以實相門雙遣上二卽中論文前已頻引四緣非緣對衆生是緣攬緣無性故無衆生非衆生爲非緣緣尚不可得非緣何可得卽相待破五能證所證對並因緣門雙破能所故上經云知菩提性從緣起入深法界無違逆六合非合對虛空無體不與物合亦以因緣顯無虛空成正覺者能所契合亦因緣門釋無正覺故一合相非一合相疏物物無性下疏有二意一由證無性故得成佛無性卽是大悲之體故得起悲二又只由下由生不知

佛證無性故化令知疏是謂高而無上廣不可極者顯高廣義此及下大包天地等皆是肇公涅槃無名論位體中文彼云經言菩提之道不可圖度高而無上廣不可極淵而無下深不可測大包天地細入無間疏初明一毛舍多下疏文有二先總科所屬後此與下揀異第八有三重揀一約能現前身爲有分此毛爲無分故二又此下約所現揀前通多類者但言現身此云現佛故三又前下約義相揀前住體徧應多類故一則如理下是法性融通門法性如空有其者卽緣起相由門由住緣起一佛身體徧應一切成多類故一則如理下是法性融通門法性如空有其

二義一則廣大無所不包故譬如虛空具舍衆象二則體性周徧故喻云譬如虛空徧至一切色非色處一毛舍多卽廣容義徧法界毛卽是普徧是謂大包下一毛廣容卽大包天地多身入毛卽細入無間疏是知坐菩提下舉況顯勝有頂卽是權教中說真成之處鹿園卽是八相化身轉法之處今於此成卽周法界此處轉法輪卽於法界無盡處轉疏此文正顯佛菩提者成上非約因人有性是佛性義今說佛菩提而言衆生心有之者卽他果佛在我因人之心內耳第八出現轉大法輪今初等者明轉法輪釋曰然

法輪義廣如別章今略以三門分別一釋名二出體三轉相今初然俱舍論亦名梵輪如來大梵之所轉故言法輪者法卽軌持輪者如帝王輪從喻得名略有四義一圓滿義具轂輻輶軸等體用周備故二摧壞義摧壞煩惱如摧末伏等三鎮遏義已伏煩惱令勢轉遠故如鎮已伏四不定義從見至修修至無學從自至他他信至解解至行果等而言轉者說也故總釋云流演圓通名之爲輪自我之彼故名爲轉若別說者略有四義轉謂動也顯也運也起也動宣言敎顯揚妙理運聖道於聲前起真智於言後圓摧障

惱名轉法輪釋曰此四約教理行果如其次第不出轉體不出四故出體轉相在文具之疏夫轉法輪不出此五者此五即是出體亦是轉相且第二出體者大小諸教有多差別今以大乘學貫通諸說體總有五一輪自性謂擇法覺支正見正知等通見修無學或取八聖道具輪輻轂故正見思惟如轂是根本故正語業命說名爲轂由轂有故正念勤定說名爲輞攝錄餘故二者法輪因謂能生後聖道諸教聞思修等諸經論中多說佛教爲法輪故三法輪眷屬聖道助伴五蘊諸法四法輪境聖道所緣四諦因緣三

性等理五法輪果謂因道所證菩提涅槃無爲等果大乘法師收取五體不出教理行果意明二即是教四即是理一三皆行五即是果今經五句卽攝此五一能轉心即是眷屬二卽自性三卽第五四卽第二五卽第四若以教理行果攝今五者後三可知初一是行二所詮理亦是行攝三轉約於見修等故又此五句即是轉相第三轉相者瑜伽九十五說由五種相轉法輪者當知名爲善轉法輪一者世尊爲菩薩時爲得所得所緣境界二者爲得所得方便三者證得所應得四者自既得已以他相續令於自證深生

撰述

大藏經

三

州

信解五者令他於他所證深生信解今經五句卽攝彼五一卽第四令他信解二卽第二三卽第三四卽第五五卽第一會釋可知但言所得方便者卽以三周正轉見修無學隨其次第知見現觀名得方便瑜伽又說三周行相名得所得之方便也然上出體與其轉相皆大乘意細尋二門多有相似或應爲一彼是法相之所宗師且順於彼以今一五攝彼二五疏此五今皆卽事契真者揀實異權名數則同意旨懸隔疏二所轉體卽示勸證者一示相轉二勸修轉三作證轉第一示相轉者諸佛世尊正證諸法隨何等

器而指示之如轉四諦言此身是苦業惑爲集此滅爲滅能滅爲道示因緣等真理妙智例皆同此當爾之時生聖慧眼由示依去來今世有差別故如其次第得眼智明覺此之一智總名爲眼有三行相名智明覺非於四諦別起四智由真見道唯一剎那不同小乘上下別觀依詮證滅說通三世非是滅諦通三世有第二勸修轉者如說四諦云此是苦汝當知此是集汝當斷此是滅汝當證此是道汝當修亦生眼智明覺若轉因緣真實法等例此可知第三作證轉者如轉四諦云此是苦我已知此是集我已斷此是

撰述

大方廣佛華嚴經卷第十一

三

州十一

滅我已證此是道我已修亦生眼智明覺四行轉餘
 例於此十二行然其三轉尊者妙音入正爲轉唯是
 見道以橋陳那見道生時說名已轉若通相說諸有
 聖道皆名法輪顯宗論說三轉卽是三道謂初是見
 道二是修道三是無學道如橋陳那名已轉者已初
 轉故大乘法師意取彼義若成實師初轉生聞慧次
 生思慧後生修慧無十二行唯作一期行相此言却
 通以說陳如卽得初果未經修道何有初果第十六
 智是修道故又初雖示是苦集等未勸知斷何因成
 果若示勸轉已得果竟何用引已而爲證耶是以見

道通於三轉義却長也況通諸法皆有示勸及與證
 耶故今經中始成正覺演大華嚴轉一乘輪亦具三
 等大乘見道唯在初地則彼地前應非始轉法輪矣
 若別配二道者第二轉者謂是有學以其妙慧如實
 通達我當於後猶有所作應當徧知苦諦應當永斷
 集諦應當作證滅諦應當修習未修道諦如是有四
 種行相如前應知第三轉者謂是無學以得盡智無
 生智故言所應作我皆已作謂我已徧知未知苦諦
 乃至廣說我已修習未修道諦亦有四行例前可知
 釋曰此卽大乘諸師別配三轉屬於三道而言證者

一 指述

大方廣佛說經卷第十一

三

卅

是彼自證非佛證也然今經文卽是三轉中道法輪永離邊見亦具說於知斷證修卽是大乘無作四諦已申轉體得果等四皆可虛求疏是知其輪本來常清淨者卽暗引淨名寶積云三轉法輪於大千其輪本來常清淨此言古來多釋今取卽事之真性淨之理爲法輪體也故後四段明相用深廣則迥異餘宗爲不壞相略引餘釋耳疏豈同三乘但用佛聲爲法輪等耶者揀實異權而言等者就佛聲中揀尋常言如問晴雨安慰弟子等亦非法輪唯取轉法又要令他斷惑見理方明法輪今此乃至數重深玄一則不

論斷不斷等說卽名輪故經云如來所轉妙法輪一切皆是菩提分若能聞已悟法性如是之人常見佛二者尋常之言亦是法輪如來無有散亂聲故言不虛發如涅槃說如來一切語言皆名轉法輪故三者能令三界所有聲聞者皆是如來音故四者不揀聲與非聲遍於法界皆法輪體況復一多交徹相映融卽豈同三乘之法輪哉第九出現涅槃疏文分三初來意二彰大旨三開章別釋今初轉化旣周躡前起後安住祕藏顯真涅槃爲物示滅顯應涅槃文具二故疏然大涅槃下第二總明大旨以顯深玄多用肇

接述

大藏傳印事略總覽卷之十一

三

州十一

公涅槃無名論有十演九折十演者謂一開宗二位體三超境四妙存五辯差六會異七明漸八動寂九通古十玄得九折者一覩體二徵出三搜玄四難差五責異六詰四七七譏動八窮源九考得開宗爲初次一折一演折爲有名之難演卽無名之答共相研覩顯無名旨今多用者亦顯肇公憑此經故今初大吉多用開宗言衆聖歸宗冥會之所者總顯深廣包含無外故論云九流於是乎交歸衆聖於是乎冥會謂三賢十聖必會其中猶於百川朝宗于海寂寥無爲者顯深而廣大悉備者顯廣形名已下復拂深廣之

述朕者述也兆也論云夫涅槃之爲道也寂寥虛曠不可以形名得微妙無相不可以有心知故淨名云不可智知不可識識矣疏今以無名强名下第三開章別釋此句總明開意涅槃二十一云瓶羅波夷名爲食油蟲無有名字強立名字善男子是大涅槃亦復如是無有名字強立名字位體中云有餘無餘者蓋是涅槃之外稱應物之假名耳而存稱謂者封名志器像者耽形名也極於題目形也盡於方圓方圓有所不寫題目有所不傳焉可以名於無名而形於無形者哉則無名亦假疏一釋名者若具梵云摩訶

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

般涅槃那具翻爲大圓寂入謂那卽入義應廻在上
言正名爲滅者取其義類乃有多方者卽生公釋遠
公同此言多方者或云不生或云無作或云無起亦
云無爲亦云無相或云不滅或云寂靜或曰安隱或
名解脫皆是義翻法華序品長行之中便於中夜入
無餘涅槃次卽云佛滅度後偈中又云佛此夜滅度
明知古德正翻爲滅亦云滅度超度四流故疏總以
義翻稱爲圓寂者卽唐三藏等在義周圓疏而言大
下先總後別總以橫堅釋如題中涅槃二十一云譬
如虛空不因小空名爲大空涅槃亦爾不因小相名

大涅槃釋曰此卽絕待當體受名疏若約義開下別
釋約三大釋三大雖通本有修成欲分三異性淨約
體圓淨約相用約修成兼含三身下對三大亦有三
入若有那字沒在圓寂之中今無那字以般釋入梵
語出息名爲安那梵言入息名爲般那那是息義欲
明此章具足真應三四涅槃故對三大別釋三入性
入卽是清淨涅槃真入卽是圓淨涅槃示入卽方便
淨遠公上三約已證說一就實論入息妄歸真從因
趣果二真應相對辯入息化歸真名入三唯就應現
捨有爲道趣入無爲故名爲入疏若圓融無礙卽大

撰述

大方廣佛華嚴經疏卷第十一

三

州

涅槃者若不圓融三入各別法相宗故疏二出體性者疏文分二一總顯深玄二別出體性今初先顯體深後體用無礙初中妙絕常數者卽第十九演玄得中文彼云何者夫涅槃之道妙盡常數融治二儀滌蕩萬有均天人同一異內視不已見返聽不我聞未常有得未常無得今取此言總歎深旨疏恬怕希夷者恬和怕靜夷平也亦開宗中言彼云然則有無絕於內稱謂淪於外視聽之所不暨四空之所昏昧恬焉而夷怕焉而泰九流於是乎交歸衆聖於是乎冥會斯乃希夷之境太玄之鄉而欲以有無題榜標其

方域而語其神道者不亦邈哉疏雖迥出百非下明體用無礙亦開宗中文文云冥冥杳杳誰見誰曉彌綸靡所不在而獨曳於有無之表今反用之疏今以義求下第二王出體性然遠公亦以三法爲體與此小別一色二心三非色非心滅無常色獲得常色等故擇滅無爲故廣如前說亦非全要不欲繁叙疏言今以義求者取其深義三德爲體則身智常住無不包含故於中三初正明第二所以三者下出三所以第三然此三種下融通無礙二中有二一翻對說三二當體辯三今初前廻向中釋三廻向具對十義今

略有三翻三雜染者煩惱爲般若煩惱卽菩提故菩提卽是涅槃之中般若德也翻於結業以爲解脫翻苦依身卽是法身心體離念本法身故故三雜染卽性淨三德二成三德者般若是智解脫是斷法身是恩法身兼應應物恩德三成三身者般若法門身法身是法性身解脫爲應化身作用解脫亦解脫故若真應對辯則有真實三德應化三德應化三德一一別從真德而起今從通義應身但解脫德攝疏能證大智下第二當體明三然薦福法師總有四釋先總釋云身是能證身般若是智慧火解脫則煩惱等滅

此三法合名證涅槃言四義者一云身是自受用身餘二卽金剛心後智斷二德二云身卽法身法身卽如如摩訶般若卽如如智解脫卽是一切餘究竟盡故法身爲所證般若爲能證解脫爲離障三又釋云身者卽法性有佛身義作二所依故有智慧義遍照法界光明故有解脫義性離一切障故此三亦不相離彼自結云此三釋中初順經意欲明報身是常涅槃不滅身故四又釋云身者色身四智爲般若解脫準前釋曰上之四解初約報身二約法身此二約真四通真應三卽約理爲性淨三德今疏但舉第二義

撰述

方廣傳書卷第四十一

三

州

者欲顯圓具通因通果通真通應應卽常身卽法身故應卽是法況自受用自受用體亦全法性法身但約在纏出纏異故能證所證及與離障十地分得故通因果故舉一義理無不收疏然此三種下第三融通無礙有法喻結法中通因通果理具此三卽性淨三德能如是知卽名字三德依此修觀卽觀行三德初住分證如來究竟直就出纏法身卽具三故成不別義疏故此三法下結成涅槃涅槃第二云我今當令一切衆生及以我弟子四部之衆悉皆安住祕密藏中我亦復當安住是中入於涅槃何等名爲祕密

涅槃喻別亦不成若智者意四義各殊東西曰橫南北曰縱縱卽豎也謂若法身本有次修般若後得解脫則是縱義以經生越世彌亘淨穢故如縱三點不橫者三法異體同時如三列火並乃合爲一體別乃各居一處卽但用一法今摩訶般若亦非涅槃等是合縱並豎明此三曰縱舉一攝二曰並故云般若非者般若中已攝二故三德若異亦非涅槃卽雙合橫別一一異體卽合於別異體同時卽合於橫故上云三點若別不得成伊已合橫別也亦可橫卽是並對縱爲橫對別爲並故經但有三句於義成四而總

釋云今三俱不思議焉可縱俱不思議焉可橫俱不思議焉可並俱不思議焉可別意云卽一而三卽三而一非三非一雙照三一焉可作一三等思若作體一用別而明尚未免於並別也然有云伊字如品字有云如倒品字後義爲正由此見異古德解義取捨不同或一德在上二德在下或二德在上一德在下並不得意西方伊字三點在上天目之喻不可二目在一目上如來恐人誤作此解故以天目轉喻伊字則不得定一二上一下但取不可縱橫及並別耳若定說言一上二上非唯義理不得圓妙致令二喻自互

相違謂梵字樣者呴此西方伊字三目之一當於脣間品此其狀也諸公何惑言祕密者以深妙故遠公釋云昔隱不說故名祕密權教所覆故復名藏故下文云十一部中所不說者名之爲藏又於其中包含諸德亦名爲藏薦福釋云皆非二乘境界故名祕密二賢皆是對昔顯密今明深妙當體祕密

音釋

萎

危也

切

鑛

古猛切銅

錢

模石也

擊

居候切牛乳也

詰

契吉切問也

過

遮

止

也

阿

葛

切

吳江黃沙灘公堂貲糧刻此大方廣佛華嚴經隨疏演義鈔卷八十一萬二千四百二十七箇分三疊崇禎四年季秋月經山化城寺識該銀六兩二錢一計字

大方廣佛華嚴經隨疏演義鈔卷第八十

80

80 1 2 3 4 5 6 7 8 9 **90** 1 2 3 4 5 6 7 8 9 **100** 1 2 3 4 5 6 7 8 9 **100**

卷之三

1

三

卷之三

七八

80 1 2 3 4 5 6 7 8 9 100 1 2 3 4 5 6 7 8 9 100